



全
校
水
經
注

ル 5
134
5



東京書院
學校圖書

卷
134
5

水經注第十三

范陽酈道元注

鄞全祖望校

布政使銜浙江甯紹台兵備道無錫薛福成校刊

濁漳水

濁漳水出上黨長子縣西發鳩山

舊本有羨文今芟。今按舊有之漳水焉

四字戴趙均依此刪

漳水出鹿谷山與發鳩連麓而在南淮南子謂之發

苞山按地形志作廉山故異名互見也左則陽泉水注之右

則散今按戴作繳蓋水入焉三源同出一山但以南北為

別耳

東過其縣南

全宋水經注 卷三 濁漳水

又東堯水自西山東北流逕堯廟北又東逕長子縣故城南

周史辛甲所封邑也春秋襄公十八年晉人執衛行人石買于長子即是縣也秦置上黨郡治此也

今按戴無此字

其水東北流入漳水漳水東會于梁水梁水南出按今

此二字梁山北流逕長子縣故城南

竹書紀年曰梁惠成王十二年鄭取屯留向子涅

涅今本誤作沮向子即長子之異名也

梁水又北入漳水

屈從縣東北流

陶水南出陶鄉北流逕長子城東地形志長子縣羊

北有穀關即神農得嘉穀處有陶鄉其泉名陶水合

羊頭山水北流入漳○梓材按朱謀埠本作陶水南

出南陶北流至長子城東趙氏刊誤引全氏云南陶

當作陶鄉魏書地形志長子縣羊頭山下有神農泉

北有穀關即神農得嘉穀處有泉北流至陶鄉名陶

水合羊頭山水北流入濁漳是也至當作逕蓋其前

校語也○今按戴趙並西轉逕其城北東注于漳水

又東過壺關縣北按此下戴有又東北過屯留

漳水東逕屯留縣南又屈逕其城東東北流有絳水

注之絳今按戴無此字水西出穀遠縣東之今按戴此發鳩

谷又有一水梓材按朱謀埠本作絳水西出穀遠縣

東發鳩之谷謂之絳水趙氏刊誤引全

濁漳水

氏云謂之絳水四字誤文宋槧本是又有一水今校正胡東樵不識因以濫水為絳水之源大非○今按戴無西出穀遠縣今按戴無此五字為濫水也濫水此句志作藍水出奇東逕屯留縣故城南氏縣盤秀嶺

故留吁國也潞氏之屬春秋襄公十八年晉人執孫蒯于純留是也

其水東北流入于漳故桑欽云絳水出屯留西南東

入漳漢志作漳水又東凍水注之凍舊本皆誤作陳以不讀說文故也

胡渭最自負善讀水經亦不能審正及此○今按戴趙並依全改凍水西出發鳩山張烈曰發鳩有漳無凍說文因二東逕余吾縣故城南字相近而譌○此重校本夾片

漢光武建武六年封景丹子尙為侯國

凍水又東逕屯留縣故城北

竹書紀年梁惠成王元年韓其侯趙成侯遷晉桓公于屯留史記趙肅侯奪晉君端氏而徙居之此矣

其水又東流注于漳故許慎曰水出發鳩山入漳今按

趙作從水東聲也漳水又東北逕壺關縣故城西又

屈逕其城北

故黎國也有黎亭縣有壺口關故曰壺關矣呂后

元年立孝惠後宮子武為侯國漢有壺關三老公

乘輿周嬰曰本傳作壺關三老茂師古曰荀紀作令孤茂今荀紀無之而白帖引上黨記有此

文然漢武故事作鄭茂未知誰信又王尊傳有湖縣三老公乘與訟尊尹京兆功善長誤以茂為興耳上書訟衛太子即邑人也

縣在屯留東不得先壺關而後屯留也漳水歷鹿臺

山與銅鞮水合水出銅鞮縣西北石磴山太平寰宇記引作覆

釜東流與滹沱水合滹沱今本誤作專池以初學記校改○今按戴趙均仍作專池

水出入特山東北流入銅鞮水銅鞮水又東南合入

諫水入諫今本誤作女諫以太平寰宇記改地形志作入禮○今按戴趙仍作女諫合字趙作逕

水西北出好松山東南流北則葦池水與公主水合

而右注之南則榆交水與皇后水合而左入焉亂流

東南注于銅鞮水銅鞮水今按戴有又字東逕李憲墓

墓今按趙無此字前有碑碑石破碎故李氏以太和元年

重今按戴趙均無此字立之

其水又東逕故城北

城在山阜之上下臨岫壑東西北三面阻表二里

世謂之斷梁城即故縣之上虜亭也

銅鞮水又東逕銅鞮縣故城北

城在水南山中晉大夫羊舌赤銅鞮伯華之邑也

漢高帝破韓王信于此縣也太平寰宇記引注縣有石梯山高一千九

百尺今無此文豈即上所云石磴山之譌耶○今按戴無句末也字

銅鞮水又東南流逕頃城西

即縣之下虎聚也地理志曰縣有上虎亭下虎聚者也

銅鞮水又南逕胡邑西又東屈逕其城南又東逕襄垣縣入于漳漳水又東北流逕襄垣縣故城南

王莽之上黨亭

又東北過屯留縣南謝兆申曰今本屯留縣三字宋本無予謂此謝氏所見誤也非真宋本也上文注壺關在屯留東不得先壺關後屯留則經文以屯留置壺關之後明矣善長所以糾之奈何謂經無此文乎但今本屯留縣三字下又少一南字○今按戴趙並依增南字戴又移此句于注文漳水東逕屯留縣南潞縣北

縣故赤翟潞子國也其相酆舒有雋今按趙作雋才而

不以茂德晉伯宗數其五罪使荀林父滅之

闕駟曰有潞水為冀州浸即漳水也余按燕書王猛

與慕容評相遇于潞川也評鄣固今按戴作銅山泉趙氏朱箋

刊誤云鄣固上落評字全氏校增○鬻水與軍入絹

匹水二石無佗大川可以為浸所有巨浪長湍唯漳

水耳故世人亦謂濁漳為潞水矣縣北對故臺壁漳

水逕其南

本潞子所立也世名之為臺壁也今按戴無此字慕容垂

伐慕容永于長子軍次潞川永率精兵拒戰阻河

自固垂陣臺壁一戰破之即是處也

漳水于是左合黃須水口梓材按舊本作左右趙氏朱箋刊誤引全氏云當作

左合○今按戴趙並依改水出臺壁西張諱巖下

世傳巖赤則土離今按戴作罹兵害故惡其變化無常

恆以石粉汙之令白是以俗目之為張諱巖

其水南流逕臺壁西又南入于漳漳水又東北歷望

夫山

山之南有石人竚于山上狀有懷于雲表因以名

焉

有涅水西出覆甌山而東流與西湯谿水合水出涅

縣西山湯谷五泉俱會謂之五會之泉又東南流又

本誤作交从沈炳巽本改○今按戴趙仍作交謂之西湯水又東南流注涅水今按戴本重又東逕涅氏今按戴無此字縣故城南

縣氏涅水也

東與白雞水合水出縣之西山東逕其縣北東南流

入涅水涅水又東南武鄉水會焉水源出武今按趙有鄉字

山西南逕武鄉縣故城西而南得清谷口水源出東

北長山清谷西南與鞞鞞今按戴作鞞白壁二水合南入

武鄉水又南得黃水口黃水三源同注一壑東南流

與隱室水合水源西北出隱室山東南注黃水又東

入武鄉水武鄉水又東南注于涅水涅水又東南流

注于漳水漳水又東逕礪陽城北倉谷水入焉水出
林慮縣之倉谷溪東北逕魯班門

西今按戴關昂藏石壁霞舉左右結石修防崇基

仍存

北逕偏橋東

即林慮之嶠嶺抱犢固也石磴西陞陟踵修上五

里餘崿路中斷四五丈中以木為偏橋劣得通行

亦言故有偏橋之名矣自上猶須攀蘿捫葛方乃

水自臻今按戴山頂即庾袞眩墜處也閩若璩曰見

○今按戴據晉書改誤文實閩說也

倉谷溪水又今按戴作北合白木溪溪水出壺關縣

東白木川東逕百畝城北

蓋同仇池百頃之稱矣

又東逕林慮縣之石門谷又注于倉溪水倉溪水又

北逕礪陽城東而北流注于漳水漳水又東逕葛公

亭北而東去今按戴矣

又東過武安縣南今按戴無此字

漳水于縣東清漳水自涉縣東南來流注之世謂決

入之所謂今按趙交漳口也地形志以屯留絳水入

長以二漳合流之所為交漳得其是也○趙本引全

氏曰按地理志則是濁漳入清漳清漳入河不如酈

全交水經注

卷三

濁漳水

七

言杜君卿曰清漳今為濁漳所奪李宏憲曰清不勝濁故也

又東出山過鄴縣西

漳水又東逕三戶峽為三戶津

張晏曰三戶地名也在梁期西南按史記引張晏語作梁淇小司

馬曰當作梁湛晉八王故事亦作梁湛而十三州志又作梁期孟康曰津峽名也

在鄴西三均按戴趙十里

又東汙水注之水出武安縣山東南流逕汙城北

昔項羽與蒲將軍英布濟自三戶破章邯于是水

汙水東注于漳水漳水又東逕武城南

世謂之梁期城梁期在鄴北俗亦謂之兩期城皆

為非也司馬彪郡國志曰鄴縣有武城武城即期

水城矣

漳水又東北逕西門豹祠前

祠東側有碑隱起為字祠堂東頭石柱勒銘曰趙

建武中所修也魏文帝述征賦曰羨西門之嘉迹

忽遙睇其靈宇逕一作逕

漳水右與枝水合漢志魏郡武始縣漳水東至邯鄲入漳指此水也然漳水入漳其說

不甚分明當如張晏所云漳水之別注云其水上承

枝水蓋本之晏也○趙本引全氏校語

漳水于邯會西而東別與邯水合水發源邯山東北

逕邯會縣故城西北注漳今按戴水故曰邯會也張

濁漳水

晏曰漳水之別自城西南與邯山之水會今城旁猶有溝渠存焉

漢武帝元朔二年封趙敬肅王子劉仁爲侯國

其水又東北入于漳昔魏文侯以西門豹爲鄴令也引漳以溉鄴民賴其用其後至魏襄王以史起爲鄴令又堰漳水以灌鄴田咸成沃壤百姓歌之魏武王又竭漳水迴流東注號天井堰二十里中作十二堰塋相去三百步令互相灌注一源分爲十二流皆懸水門陸氏鄴中記云水所溉之處名曰晏陂今按戴作堰陵澤故左思之賦魏都也今按戴無此字謂塋流十二同源異

口者也

魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水以注之遂拔鄴本齊桓公所置也故管子曰築五鹿中牟鄴以衛諸夏也後屬晉魏文侯七年始封此地故曰魏也漢高帝十二年置魏郡治鄴縣王莽更名魏城後分魏郡置東西部都尉故曰三魏魏武又以郡國之舊引漳流自城西東入逕銅雀臺下伏流入城東注謂之長明溝也渠水又南逕止車

門下魏武封于鄴為北宮宮有文昌殿溝水南北夾道枝流引灌所在通漑東出石竇堰下注之洄今按戴作

隍水故魏武登臺賦曰引長明灌街里謂此渠也

石氏于文昌故殿處造東西太武二殿于濟北穀城之山採文石為基一基下五百武直宿衛屈柱跌瓦悉鑄銅為之金漆圖飾焉又徙長安雒陽銅人置諸宮前以華國也城之西北有三臺皆因城為之基巍然崇舉其高若山建安十五年魏武所起今按此下戴趙有平坦略盡春秋古地云葵邱地名今鄴西三臺是也謂臺已平或更有見意所未詳三十三字其今按戴趙中曰銅雀臺高十全本分列于後均無此字

丈有屋百餘今按戴作一間臺成命諸子登之並使為賦陳思王下筆成章美捷當時亦魏武望奉常王叔治之處也昔嚴才與其屬攻掖門修聞變車馬未至便將官屬步至宮門太祖在銅雀臺望見之曰彼來者必王叔治也相國鍾繇曰舊京城有變九卿各居其府卿何來也修曰食其祿焉避其難居府雖舊非赴難之義時人以為美談矣石虎更增二丈立一屋連棟接榱彌覆其上盤迴隔之名曰命子窟又于屋上起五層樓高十五丈去地二十七丈又作銅雀于樓巔舒翼若飛南則金虎臺

高八丈有屋一

今按戴無此字

百九間北曰冰井臺亦高

八丈有屋一

今按戴無此字

百四十

今按戴有五字

間上有冰室

室有數井井深十五丈藏冰及石墨焉石墨可書
又然之難盡亦謂之石炭又有粟窖及鹽窖以備
不虞今窖上猶有石銘存焉左思魏都賦曰三臺
列峙而崢嶸者也春秋古地云葵邱地名今鄴西
三臺是也平坦略盡今按此句戴趙在春秋上謂臺已平或更
有見意所未詳今按此三十二字戴趙均移上城有七門南曰鳳
陽門中曰中陽門次曰廣陽門東曰建春門北曰
廣德門次曰廢門西曰金明門一曰白門鳳陽門

三臺洞開高三十五丈石氏作層觀架其上置銅
鳳頭高一丈六尺東城上石氏立東明觀觀上加
金博山謂之鏘天北城上有齊斗樓超出羣榭孤
高特立其城東西七里南北五里飾表以塼百步
一樓凡諸宮殿門臺隅雉皆加觀榭層臺反宇飛
檐拂雲圖以丹青色以輕素當其全盛之時去鄴
六七十里遠望若亭巍若仙居魏因漢祚復都洛
陽以譙為先人本國許昌為漢之所居長安為西
京之遺迹鄴為王業之本基故號五都也今相州
刺史及魏郡治

漳水自西門豹祠北逕趙閱馬臺西

基高五丈列觀其上石虎每講武于其下升觀以望之虎自于臺上放鳴鏑之矢以爲軍騎出入之節矣

漳水又北逕祭陌西

戰國之世俗巫爲河伯取婦祭于此陌魏文侯時西門豹爲鄴令約諸三老曰爲河伯取婦幸來告知吾欲送女皆曰諾至時三老廷掾賦歛百姓取錢百萬巫覡行里中有好女者今按戴當爲河伯婦以錢三萬聘女沐浴脂粉如嫁狀豹往會之

三老巫掾與民咸集赴觀巫嫗年七十從十女弟子豹呼婦視之以爲非妙令巫嫗入報河伯投巫于河中有頃曰何久也又令三弟子及三老入白並投于河豹磬折曰三老不來奈何復欲使廷掾豪長趣之皆叩頭流血乞不爲河伯取婦淫祀雖斷地留祭陌之稱焉又慕容儁投石虎尸處也田融以爲紫陌也趙建武十一年造紫陌浮橋于水上爲佛圖澄先造生墓于紫陌建武十五年卒沈炳異曰十六國春秋乃十四年十二月葬焉卽此處也

漳水又對趙氏臨漳宮

宮在桑梓苑多桑木故苑有其名三月三日及始蠶之月虎帥皇后及夫人採桑于此今地有遺桑墉無尺雉矣

漳水又北滏今按趙作濫水入焉漳水又東逕梁期城南

地理風俗記曰鄴北五十里有梁期城故縣也漢

武帝元鼎五年封任破胡為侯國晉惠帝永興元

年驃騎王浚遣烏丸渴末逕至梁期候騎到鄴成

都王穎遣將軍石超討末為末所敗于此今按戴有也字

又逕平陽城北

竹書紀年曰梁惠成王元年鄴師敗邯鄲今按戴有之字

師于平陽者也孫子騷曰今竹書無此文司馬彪郡國志曰鄴

有平陽城即此地也

又東過列人縣南

漳水又東右逕斥邱縣北即裴縣故城南

王莽更名之曰即是也地理風俗記曰列人縣西

南六十里有即裴城故縣也

漳水又東北逕列人縣故城南

王莽更名之為列治也竹書紀年曰梁惠成王入

年惠成王伐邯鄲取列人者也

于縣右合白渠故瀆白渠水出魏郡武安縣欽口山

東南流逕邯鄲縣南又東與洧澗水合水導源武始

東山白渠北俗猶謂是水為洧河也白渠今按此二字戴作洧

澗水又東又有牛首水入焉水出邯鄲縣西堵山東

流分為二水洪湍雙逝澄映兩川

漢景帝時七國悖逆命曲周侯酈寄攻趙圍邯鄲

相捍七日趙一清曰漢書趙幽王酈商二傳俱引作七月○今按戴依此徑改七月

牛首洧水灌城城壞王自殺

其水東入邯鄲城逕温明殿南

漢世祖擒王郎幸邯鄲晝卧處也

其水又東逕叢臺南

六國時趙王之臺也何焯曰漢七國時趙幽王友之臺也見鄒陽傳按何說誤

叢臺不始于幽王早見呂后本紀中郡國志曰邯鄲有叢臺故劉劭

趙都賦曰結雲閣于南宇立叢臺于少陽者也今

遺基舊墟尚在

其水又東歷邯鄲阜

張晏所謂邯山在東城下者也曰單盡也城郭從

邑故加邑邯鄲之名蓋指此以立稱矣故趙郡治

也長沙耆舊傳稱桓楷為趙郡太守嘗有遺囊粟

于路者行人掛囊粟于樹莫敢取之即于是處也

其水又東流出城又合成一川也又東澄而為渚沁

二水

顧祖禹曰今城南五里有渚河城西半里有沁河合流為西河○今按渚沁二水四字戴作渚

水趙作沁東南流注拘澗水又東入白渠又東故瀆

出焉一水東為澤渚曲梁縣之雞澤也國語所謂雞

邱矣東北通澄湖白渠故瀆南出所在枝分右出即

邯溝也歷邯溝縣故城東

蓋因溝以氏縣也地理風俗記曰即裴城西北二

十里有邯溝城故縣也

又東逕肥鄉縣故城北

竹書紀年曰梁惠成王八年伐邯鄲取肥者也晉

書地道記曰太康中立以隸廣平也

渠道交徑互相纏縻與白渠同歸逕列人右會漳津

今無水地理志曰白渠東至列人入漳是也

又東北過斥漳縣南

應劭曰其國斥鹵故曰斥漳漢獻帝建安十八年魏

太祖鑿渠引漳水東入清洹以通河漕名曰利漕渠

漳津故瀆水舊斷

今按此二字戴乙

溪東北出涓流滯注而

已尚書所謂覃懷底績至于衡漳者也

孔安國曰衡橫也言漳水橫流也

又東北逕平恩縣故城西

應劭曰縣故館陶之別鄉漢元

今按趙作宣

帝元康三

年置以封后父許伯為侯國

沈炳巽曰是宣帝地節三年封元康亦宣

帝紀年非元帝按已見清水篇館陶縣下注此複出○今按戴依此徑改宣帝地節三年

更曰延平也

又東北過曲周縣東又東北過鉅鹿縣東

橫漳故瀆東北逕南曲縣故城西

地理志廣平有南曲縣應劭曰平恩縣北四十里

有南曲亭故縣也

又逕曲周縣故城東

地理志曰漢武帝建元四年置王莽更名直周余

按史記大將軍酈商以高祖六年封曲周縣為侯

國又考漢書同

五字注中注○趙本引全氏校語

是知曲周舊縣

非始孝武

或本是地名因建國遂以名縣如此者亦多有之

蓋商有脫冀

州人在縣市補履數十年人奇其不老求其術而

不能得也

孫潛曰是列仙傳嘯父事○今按戴依此徑改蓋商二字為嘯父

橫漳又東北逕巨橋抵

今按戴閣西作耶

舊有大梁橫水故有巨橋之稱昔武王伐紂發巨

橋之粟以賑殷之饑民服虔曰巨橋倉名許慎曰

鉅鹿水之大橋也今臨側水湄左右方一二里中

狀若邱墟蓋遺囷故窖處也

衡水又北逕鉅鹿縣故城東

應劭曰鹿者林之大者也尚書曰堯將禪舜納之
 大麓之野烈風雷雨不迷致之以昭華之玉而縣
 取目焉路温舒縣之東里人父為里監門使温舒
 牧羊澤中取蒲牒用寫書即此澤也鉅鹿郡治秦
 始皇二十五年滅趙以為鉅鹿郡漢景帝中元年
 為廣平郡武帝征和三年以封趙敬肅王子為廣
 平侯國沈炳巽曰敬肅王子無封廣平者武帝元
 朔二年封敬肅王子為邯平侯小司馬曰
 在廣平善長所云殆即此然非征和二年
 封敬肅王子少子偃為平于王雖平于即廣平然又
 非侯國也○今按戴依此徑改三世祖中興更為
 年為二年廣平侯國為平于國
 鉅鹿也

鄭玄注尚書引地說云大河東北流過絳水千里至

大陸為地腹如志之言大陸在鉅鹿地理志曰水在

安平此地志非班志安帝改郡曰安信都安平二字
 平則是安帝以後之地志也信都是衍文地

志所無且安平乃涿郡屬何與絳水○梓材按此條
 底本所有而又抹之○今按此校語與前校語違背
 宜其抹也鉅鹿與信都相去不容此數也水土之名變易

世失其處見降水則以為絳水故依而廢讀或作絳
 字非也今河內共北山淇水共水今按戴無此二字出焉東

至魏郡黎陽入河近所謂降水也降讀當如廓降于

齊師之降蓋周時國于此地者惡言降故改云共耳

又今河所從今按趙徙去大陸遠矣館陶北屯氏河其

故道與余按鄭玄據尚書有東過洛汭至于大伾北
 過降水至于大陸推次言之故以淇水為降水其城
 為降城所未詳也稽之羣書其縣本共和之故國是
 有其名不因惡降而更稱禹著山經淇出沮洳淇澳
 衛詩列目又遠當非改絳革為今號但是水導源其
 北山玄欲因降成義今按此句戴作玄欲成降義趙作玄欲因成降義故以
 淇水為降水耳即如玄引地說黎陽鉅鹿非千里之
 逕直信都于大陸者也唯屯氏北出館陶事近之矣
 按地理志云絳水發源屯留下亂漳津是乃與漳俱
 得通稱故水流間關所在著目信都復見絳名而東

入于海尋其川脈無他殊瀆而橫漳舊道與屯今按戴有
氏相亂乃書有過降之文與地說今按此三字趙作地說與千里
 之誌即之途致與書相鄰河之過降當應此矣下至
 大陸不異經說自甯迄于鉅鹿出于東北皆為大陸
 語之纏絡厥勢眇矣九河既播八枝代絕遺跡故稱
 往往時存故鬲般列于東北徒駭瀆聯漳絳同遊之
 狀粗分陂漳之會猶在案經考瀆自安故目矣漳水
 又歷經縣故城西水有故津謂之薄絡今按戴津作落
 昔袁本初還自易京上已屆此率其賓從褰飲于
 斯津矣

衡漳又逕沙邱臺東

紂所成也在鉅鹿故城東北七十里趙武靈王與秦始皇並死于此矣

又逕銅馬祠東

漢光武廟更始三年秋光武追銅馬于館陶大破之遂降之賊不自安世祖令其歸營乃輕騎行其壘賊乃相謂曰蕭王推赤心置人腹中安得不投死乎遂將降人分配諸將眾數十萬人故關西號世祖曰銅馬帝也祠取名焉廟側有碑述河內脩武縣張導字景明以建和三年為鉅鹿太守建和乃和

帝年號而景明事見臧洪傳在獻帝時相去四十餘年漳津泛濫土不稼穡

導披按地圖與丞彭參掾馬道嵩等原其逆順揆其表裏脩防排通以正水路功績有成民用嘉賴題云漳河神壇碑而俗老者儒猶揭斯廟為銅馬劉神寺是碑頃因震裂餘半不可復識矣

又逕南宮縣故城西

漢惠帝元年以封張越人子買為侯國沈炳異曰是高后六年

年王莽之序中也此下有脫文當補列葭水出焉五字列葭水即長蘆淫水也○

梓材按趙本引全氏校語如此而不以為然

列葭水出焉今按此五字戴趙均無其水與馮澧今按此二字戴作隅醴趙

作澗通為衡津漢志常山郡中邱縣蓬山長谷諸水

中邱蓬山長谷即蓬鵠之山也諸水是渚水張縣後省入

濁是入澗之誤內邱有渚水亦名礪水張縣後省入

任縣其地一名渚陽即此○梓材按趙本引全氏語如

眷攻石勒屯渚陽即此○梓材按趙本引全氏語如

此蓋約舉其渚水又有長蘆淫水之名降水之稱矣

帖子而間有不同

今漳水既斷絳水非復纏絡矣渴水出趙襄國昔牛

即此地矣又東至朝平蓼水馮水入焉蓼水出襄國

西石井岡岡上有井大如車輪一名達活水○梓材

案副本簽一條云龍岡縣近內邱縣蓼水所出又云

石勒時大旱沙門佛圖澄于石井岡掘得死龍長尺

餘漬之以水良久乃蘇咒而祭之龍騰而上天即

雨降因名龍岡蓋太平御覽所引而全氏拾之

北絳瀆出焉今無水故瀆東南逕九門城南又東南

逕南宮城北又東南逕繚城縣故城北

十三州志曰經縣東五十里有繚城故縣也

左逕安城南

故信都之安城鄉也更始二年和成今按趙太守

邳彤與上會信都南安城鄉上大悅按邳彤以和

祖卒正王莽所置官視太守耳○趙本引全氏曰

按後漢光武帝紀王莽和戎卒正邳彤亦舉郡降

注引東觀記曰王莽分鉅鹿為和戎郡卒正職如

太守邳彤傳亦作成字注又引東觀記為證太守

之稱善長之率筆耳○今即此處也

故瀆又東北逕辟陽亭

漢高帝六年封審食其為侯國按索隱亦與此注

傳辟陽近菑川則非趙

地矣當是城陽之辟陽

王莽之樂信也地理風俗

濁漳水

全水經注

卷三

三

記曰廣川西南六十里有辟陽亭故縣也

絳瀆又北逕信都城東散入澤潞西至于信都城東連于廣川縣之張甲故瀆同歸于海故地理志曰禹貢絳水在信都東入于海也

又北過堂陽縣西

衡水自堰今按戴作縣分為二水其一水北出經今按戴作逕

縣故城西

世祖自信都以四千人先攻堂陽降水者也水上
有梁謂之旅津渡商旅所濟故也

其右水東北注出石門

門石崩禡餘基殆在

謂之長蘆水蓋變列今按戴作引葭之名也長蘆水出列

人縣以其水旁多蘆葦故名以上十三字以太平寰宇記所引增○今按戴

趙均未補東逕堂陽縣故城南應劭曰縣在堂水之陽

穀梁傳曰水北為陽也

今于縣故城南更無別水唯是水東出可以當之斯

水蓋包堂水之兼稱矣長蘆水又東逕九門陂今按戴無

此字而有城北二字

故縣也

又東逕扶柳縣故城南

世祖建武三十年封寇恂子楫為侯國沈炳異曰是恂子損

○今按戴趙並依改

又東屈北逕信都縣故城西

信都郡治也漢高帝六年置景帝中今按趙無此字二年

為廣川惠王越國王莽更為新博縣曰新博亭光

武自薊至信都是也明帝永平十五年更名樂成

安帝延光中改曰安平城內有漢冀州從事安平

趙徵碑有魏冀州刺史陳留丁紹碑青龍三年立

按丁紹見晉書良吏傳在惠帝末其去青龍久矣城南有獻文帝南巡碑

今本脫文字○今其水側城北注按戴趙並依增

又北逕安陽城東又北逕武陽城東

十三州志曰扶柳縣東北有武陽城故縣也

又北為博廣池

池多名蠡佳蝦歲貢王朝以充膳府

又北逕下博縣故城東而北流注于衡水也

又東北過扶柳縣北又東北過信都縣西

扶柳縣故城在信都城西衡水逕其西

縣有扶澤澤中多柳故曰扶柳也

衡水又北逕昌成今按戴作城下同縣故城西

地理志曰今按戴無此字信都有昌成縣漢武帝以封城

陽頃王子劉差為侯國按本表是昌侯注闕駟曰

昌成本名阜成矣應劭曰堂陽縣北三十里有昌

成故縣也世祖之下堂陽昌成人劉植率宗親子

弟據邑以奉世祖是也

又逕西梁縣故城東

地理風俗記曰扶柳縣西北五十里有西梁城故

縣也世以為五梁城蓋字狀致謬耳

衡漳又東北逕桃縣故城北

漢高祖十二年封劉襄為侯國王莽改之曰桓分

也

合斯浹故瀆斯浹水首受大白渠大白渠首受綿蔓

水綿蔓水上承桃水水出樂平郡之上艾縣東流世

謂之曰桃水東逕靖陽亭南

故關城也

又北流逕井陘關下注澤發水逕董卓壘東五字以

宇記所引增○今亂流東北逕常山蒲吾縣西而桃

水出焉南逕蒲吾縣故城西又東南流逕桑中縣故

城北

世謂之石勒城蓋趙氏增城之故擅其目今按戴

又謂之高功城也今按戴地理志曰侯國也

桃水又東南流逕綿蔓縣故城北

王莽之綿延也世祖建武二年封郭况為侯國

自下通謂之綿蔓水綿蔓水又東流逕樂陽縣故城

西右合井陘山水水出井陘山即泝水三字見顧祖禹本○今按

戴趙均今按戴世謂之鹿泉水也無此字東北流屈逕陳餘

壘西

俗謂之故壁城昔在楚漢韓信東入餘拒之于此

不納左車之計悉眾西戰信遣奇兵自間道出立

幟于其壘師奔失據遂死泝上

其水又屈逕其壘南又南逕城西東注綿蔓水漢志常山

郡元氏縣下云沮水首受中邱窮泉谷東至堂陽入橫河而水經無聞及讀郭氏山海經注曰泝水今出中邱窮泉谷乃悟泝水之誤為沮水也○綿蔓水又今按此條明見趙本而王氏失引今補之

屈從城南

俗名曰臨清城非也地理志曰侯國矣王莽更之

曰暢苗者也暢流俗本誤作申○今按戴趙並依改東觀漢記曰光

武使鄧禹發房子兵二千人以姚期為偏將軍別

攻真定宋子餘賊拔樂陽稟肥壘者也

綿蔓水又東逕烏子堰枝津出焉又東謂之大白渠

地理志所謂首受綿蔓水者也漳水所入

大白渠猶斯浚之與浚不可混也今于常山之有白渠有

氏校語○今按戴趙仍作白渠水又東南逕關縣故城北

地理志曰常山之屬縣也

又東為成郎河

水上有大梁謂之成郎橋

又東逕耿鄉南

世祖封前將軍耿純為侯國趙一清曰章懷耿純傳引酈注即水北有

耿鄉光武以封耿純今無此文○梓材按今趙本無之世謂之宜安城

又東逕宋子縣故城北又謂之宋子河

漢高帝八年封許瘞今按戴趙均作瘞為侯國王莽更名

宜子昔高漸離擊筑傭工自此入秦

又東逕敬武縣故城北

按地理志曰今按戴無此字鉅鹿之屬縣也漢元帝封女

敬武公主為湯沐邑關駟十三州記曰楊氏縣北

四十里有敬武亭故縣也今其城實中小邑耳故

俗名之曰敬武壘即古邑也

大今按戴趙無此字白渠水又東謂之斯浚水地理志曰大

白渠東至下曲陽入斯浚河今按戴無此字者也東分為二

水枝津右出焉東南流謂之百尺溝又東南逕和城北

世謂之初邱城非也漢高帝十一年封郎中公孫

耳為侯國

按和成乃王莽所分鉅鹿之支郡也不見于漢志而見于東觀漢記在下曲陽

成一作戎邳彤所守之地而常山別有禾成則公孫耳所封王莽更名邳為禾成亭也今是條上言敬武下則貫城是鉅鹿之和成非禾成也乃引侯表不已謬乎。今按趙本亦引全說戴本耳作昔

又東南逕貫城西

漢高帝六年封呂博為侯國

何焯曰史表作呂一作台漢表作合傳胡

善今注作呂博未知孰是。今按戴趙俱作呂博

百尺溝東南散流逕歷鄉東而南入泚湖東注衡水

也斯浚水自枝津東逕貫城北又東積而為陂謂之

陽縻淵淵水左納大今按戴趙無此字下同白渠枝水俗謂之

泚水李克家曰泚水疑當作泚水予謂非也水承大白渠于藁城縣之

烏子堰又東逕肥壘縣之故城南又東逕陳臺南

臺甚寬廣今上下有脫文。趙本引全氏校語陽臺屯居之

又東逕新豐城北

按地理志云鉅鹿有新市縣侯國也王莽更之曰

樂市而無新豐之目所未詳矣

其水又東逕昔陽城南

世謂之曰直陽城非也本鼓聚矣春秋左傳昭公

十五年晉荀吳帥師伐鮮虞圍鼓三月鼓人請降

穆子曰猶有食色不許軍吏曰獲城而弗取勤民

而頓兵何以事君穆子曰獲一邑而教民怠將焉

用邑邑以賈怠不如完舊今按戴無此八字有也字賈怠無卒

棄舊不祥今按戴作詳鼓人能事其君我亦能事吾君

率義不爽好惡不愆城可獲而民知義所今按戴無此五

字有也字有死義今按趙作命而無二心不亦可乎鼓人告

食竭力盡而後取之克鼓而返不戮一人以鼓子

鳶鞮歸既獻而返之鼓子又叛荀吳略東陽使師

偽糴負甲息于門外襲而滅之以鼓子鳶鞮歸使

涉佗守之者也十三州志曰今其城昔陽亭是矣

京相璠曰白狄之別也下曲陽有鼓聚故鼓子國

也

大今按戴趙無此字白渠枝水又東逕下曲陽城北又逕安

鄉縣故城南

地理志曰侯國也

又東逕貫縣入斯浚水斯浚水又東逕西梁城南又

東北逕樂信縣故城南

地理志曰今按戴無此字鉅鹿屬縣侯國也

又東入衡水衡水又北為袁譚渡

蓋譚自鄴往還所由故濟得厥名

又東北過下博縣之西

衡水又北逕鄆縣故城東

全核水經注 卷三 濁漳水

竹書紀年梁惠成王三十年秦封衛鞅于鄆改名

曰商卽此是也故王莽改曰秦聚也竹書本文作鄆見章懷後

漢書世祖紀中所引蕭該誤音鄆爲鄆臧矜又誤音爲鄆按鄆乃太原之邑鄆乃鉅鹿之邑太原鉅鹿皆趙地秦何由而封衛鞅乎然則鄆固非卽以爲鉅鹿之鄆亦非也王莽以鄆爲秦聚非也善長謂莽以鄆爲秦聚尤非也曰然則鄆是何地曰析縣之南鄉有鄆亭通武關見王莽傳卽鄆陲招降析宰之處正商於之地也豈鉅鹿之謂乎二千餘年未審之地至此一旦而得之○梓材按趙本引全氏校語同又云通典舊唐地理風俗記曰縣北書作鄆寰宇記作鄆亦非
有鄆阜蓋縣氏之

又右逕下博縣故城西

王莽改曰閨博應劭曰太山有博故此加下漢光

武自呼淹今按戴作滹沱南出至此失道不知所以遇白

衣老父曰信都今按趙有郡字爲長安守去此八十里世

祖赴之任光開門納焉漢氏中興始基之矣尋求

老父不得議者以爲神

衡漳又東北歷下博城西逶迤東北注謂之九崢今按

戴作西逕樂鄉縣故城南

王莽更之曰樂邱也

又東列今按戴趙均作引葭水注之漢志廣平國南和縣列葭水東入滹說文滹水

出趙國襄國東入滹善長略滹不敘賴說文尙存其迹耳○趙本引全氏校語

又東北過阜城縣北又東北至昌亭與滹沱今按戴作滹沱趙作

下同 庫池河會

經叙阜城于下博之下昌亭之上考地非比于事為

同勃海阜城又在東昌之東故知非也按此是後漢安平國之阜

城乃前漢信都國之昌成也故注申明其非勃海之

阜城梓材按趙本引全氏校語同又云魏書地形志武邑郡阜城下云前漢屬勃海後漢屬安平蓋台

二縣而為一非也又按副本簽一條云宋志前漢勃

海有阜城續志安平有阜城而注云故昌城漢信都

別于勃海之阜城也鄭注正合漳水又東北逕武邑

郡南 魏所置也

又東逕武强縣北又東北逕武隧縣故城南

按史記秦破趙將扈輒于武隧斬首十萬即于此處也王莽更名桓隧矣

白馬河注之水上承滹沱東逕樂鄉縣北饒陽縣南

又東南逕武邑郡北而東入衡水謂之交津口衡漳

又東逕武邑縣故城北

王莽之順桓也晉武帝封子于縣以為王國後分

武邑武隧觀津為武邑郡治此

衡漳又東北右合張平口故溝上承武强淵淵之西

南側水有武强縣故治故淵得其名焉

東觀漢記曰光武拜王梁為大司空以為侯國者

宿云邑人有行于途者見一小蛇疑其有靈持而
養之名曰擔生長而吞噬人里中患之遂捕繫獄
擔生負而奔邑淪為湖縣長及吏咸為魚矣今縣
治東北半里許落水

淵水又東南結而為湖

又謂之郎君淵者宿又言縣淪之日其子東奔又
陷于此故淵得郎君之目矣

淵水北通謂之石虎口又東北為張平澤澤水所泛
北決隄口謂之張刀溝北注衡漳今按趙謂之張平

口亦曰張平溝水溢則南注水耗則輟流衡漳又逕

東昌縣故城北經所謂昌亭也

王莽之田昌也俗名之曰東相蓋相昌聲韻合故
致茲誤矣西有昌城故曰是城為東昌矣

衡漳又東北左會滹沱故瀆謂之合口衡漳又東北
分為二水今按戴趙均作川當其水決處名之曰李聰渙

又東北至樂成陵縣續志但有樂成縣無陵字此是水
經特筆以見縣本以三字結名也別出北瀆此二字

衡漳于縣無別出之瀆出縣北者乃滹沱別水分滹
沱故瀆之所纏絡也衡漳又東分為二水左出為向

氏口溝今按戴趙均作瀆水自此決入也衡漳又東逕弓高

縣故城北

漢景帝封韓

今按戴信兄作之

子韓隕當為侯

國沈炳異曰史表是文帝十六年封信傳是十四年封非景帝且是信孽子非兄子。今按戴作

文帝趙王莽之樂成亭也

衡漳又東北右合柏梁澁水上承李聰渙東北為柏

梁澁東逕蒲領縣故城南

漢武帝元朔三年封廣川

今案戴有惠字

王子劉嘉為侯

國地理風俗記云修縣西北八十里有蒲領鄉故

縣也西岸又有北蒲領故城蓋因漢末黃巾之亂

有蒲領人流寓于彼遂立此城

梓材按以上二十九字全氏以太平

寰宇記校增而未列校語。今按戴本未補趙于校語中及之

又東北會桑社枝津又東北逕弓高城北又東注衡

漳謂之柏梁口衡漳又東北右會桑社溝溝上承從

陂世稱盧達從薄亦謂之訶摩

今按此二字戴乙

河東南通

清河西北達衡水春秋雨泛漳澤津渚今

今按戴無此五字

觀津城北方二十里盡為澤藪蓋水所鍾也其瀆逕

觀津縣故城北

樂毅自燕降趙封之于此邑號望諸君王莽之朔

定亭也

又南屈東逕竇氏青山南側隄東出

青山即漢文帝竇后父少翁冢也唐宰相世系表及竇建德傳皆

作安成翁即今按此二字是縣人遭秦之亂漁釣侯竇充翁戴作少翁

隱身墜淵而死景帝立后遣使者填以葬父起大

墳于觀津城東南故民號曰青山也

又東逕董仲舒廟南

仲舒廣川人也世猶謂之董府君祠春秋禱祭不

輟

舊瀆今按戴作溝又東逕修市縣故城北

漢宣帝本始四年封清河綱王子劉寅為侯國王

莽更之曰居寧也俗謂之溫城非也地理風俗記

曰脩縣西北二十里有脩市城故縣也

又東會從陂陂水南北十里東西六十步子午潭漲

淵而不流亦謂之桑社淵從陂南出夾隄東派逕脩

縣故城北東合清漳漳泛則北注澤盛則南播津流

上下互相逕通從陂北出東北分為二一川北逕弓

高城西而北注柏梁澁一川東逕弓高城南又東北

陽今案戴作楊津溝水出焉左瀆北入衡漳謂之陽津口

今按此十一字戴刪衡水東逕阜城縣故城北樂成縣故城南

河間郡治地理志曰故趙也漢文帝二年別為國

應劭曰在兩河之間也景帝九年沈炳巽曰封子是二年

德為河間王是為獻王王莽更名郡曰朔定縣曰

陸信禘先生曰漢宣帝地節三年沈炳巽曰封大

將軍霍光兄子山為侯國也按續史記霍山封樂

表封樂平故本注曰東郡但索隱所見漢表之注

曰在平氏又不同○又按漢表許延壽封樂成注

亦云漢無此字宣帝封子開于此何焯曰是章帝

戴趙均徑桓帝今按趙本桓追尊祖父孝王開為

也

今城中有故池方八十步舊引衡水北入城注池

池北對層樓今按戴趙均作臺基隍荒蕪示存古意也

又東北過成平縣南合清河黃本無此三字今從吳

衡漳又東逕建成縣故城南本增○今按趙依此增

按地理志故屬勃海郡褚先生曰漢昭帝五鳳今

戴作三年封丞相黃霸為侯國也沈炳巽曰是宣

帝按本表曰沛而善長以為勃海成平縣故城在北漢武帝

元朔三年封河間獻王子劉禮為侯國按漢表作

王莽之澤亭也城南北相直

衡漳又東右會陽津溝水自枝水今按此三字戴作

水東逕阜城南

地理志勃海有阜城縣王莽更名吾城者今按趙

非經所謂阜城也建武十五年世祖更封大司馬

王梁為侯國

陽津溝水又東北逕建成縣左入衡水此下有謂之陽水津口六

字與上複出今刪。今按戴衡津又東左會滹沱別趙仍有謂之陽津口五字

河故瀆又東北入清河謂之合口又逕南皮縣之北

皮亭而東北逕浮陽縣西浮水東北注之趙氏朱箋刊誤云東

北上落浮水二字全氏校補。今按趙依此補戴未補句末之字戴作也

又東北過章武縣西又東北過平舒縣南東入海

清漳自今按戴作逕章武縣故城西

故濊邑也

枝瀆出焉謂之濊水太平寰宇記曰濊水亦名石曰水又謂之鹿水出行唐東入博

陵謂之木刀溝一謂之袞袞水又從此過石童山入呼沱河東北逕參戶亭分為

二瀆

應劭曰平舒縣西南五十里有參戶亭故縣也世

謂之平虜城

枝水又東注謂之蔡伏溝又東積而為淀按此即地形志所云

沽水一水逕亭北又逕東平舒縣故城南

代郡有平舒城故加東地理志曰勃海之屬縣也

魏土地記曰章武郡治故世以為章武故城非也

又東北分為二水一水右出為澱一水北注滹沱按今

呼趙謂之滅口與今按戴清漳亂流而東注于海

結琦亭集東曰汾潞水經潞水帖子曰職方冀州之
川曰漳其浸曰汾潞水出東至鄴入清漳上黨郡長子縣
鹿谷山濁漳水所出東北至阜城入大河過郡沾縣
大雙谷清漳水所出東北至阜城入大河過郡沾縣
行千六百八十里獨不著其地不知其何脫遺
冀州浸矣而潞水則潞出歸德
也康成之說無職方則潞出歸德
郡名考之漢無歸德郡之目師古亦曰潞出歸德
按地理志北地郡歸德縣有洛水為潞然舍洛非潞
水也康成師古亦未嘗明言潞之為潞豈非輿地中
則歸德無水矣將毋誤認洛為潞則必歷鄆坊度
笑枋乎夫使潞水流過河而後入晉其源遠而且阻
同華如沛之伏道也所以漢人曾無一源及之者
秦晉間無此水道所以漢人曾無一源及之者
然則所謂潞水者究安所善長引關駟十三州
志之言以為濁漳水即潞水其說甚合故李衛公
亦取之蓋潞之漳水即潞水其說甚合故李衛公
而遠求諸北地義渠所出道梗絕不相接之水可

謂曠曠而潞子之都適在濁漳水之發軔善長以
為更無大川可以當之者是也然善長之言甚略
予意自壺關水一帶皆屬潞水之流其自黎邢二國
直封以至於甲氏留吁之屬接乎春秋則自黎邢二國
潞水之所浸也然潞水之流其自黎邢二國
浸禹貢之不及潞水也其在潞水之流其自黎邢二國
康成說職方大段疏略善長此條足采入周禮注矣
中同時劉昭注續志亦言濁漳之為潞引上曹魏
以證之乃知是說由來已久然昭又旁及于曹魏
洵河鑿渠之役則大謬矣蓋此乃潞水之流其自黎邢二國
支流非古潞水也杜佑不審而采之乃潞水之流其自黎邢二國
又東非古潞水也杜佑不審而采之乃潞水之流其自黎邢二國
蓬山長谷水經水出東至張入漢志常山郡中邱縣
出常山中邱蓬山長谷水經水出東至張入漢志常山郡中邱縣
一見而中邱蓬山長谷水經水出東至張入漢志常山郡中邱縣
水首受中邱蓬山長谷水經水出東至張入漢志常山郡中邱縣
茫然不知所考蓋濁漳清漳二水至堂陽入河則益
者多矣說者因謂順德之內邱也太平寰宇記引
水尚在也中邱今順德之內邱也太平寰宇記引

舊本鄜注中邱有蓬鵲之山今其地之山固巍然
 是漢志所謂蓬山今內邱圖經亦載之則舊本固自
 騰鶴渡諸山水之原委蓋蓬鵲諸山綿延數百里隨
 有西山直接太行通謂之西山而水亦分道以出
 地異名泉谷皆其一也故內邱至有渚陽則渚水
 長谷窮泉皆其一也故內邱至有渚陽則渚水
 礪水而張縣之疾陸脊并為入任縣有日渚陽則渚水
 之陽也晉書段疾陸脊并為入任縣有日渚陽則渚水
 至無稱焉乃胡梅是蓋其自張入渚陽則渚水
 固無恙耶以州渚之甚相懸也若元氏之渚水
 渚水而泛以與今本不甚相懸也若元氏之渚水
 已多關漏殆與今本不甚相懸也若元氏之渚水
 則自漢以來杳無可證近人作元氏志者亦不能
 攷索及此及讀郭氏山海經注方知元氏志者亦不
 之訛何以此及讀郭氏山海經注方知元氏志者亦不
 谷則知漢志誤以郭氏為沮原非別有沮水也
 誤字為一志誤以郭氏為沮原非別有沮水也
 見予漢書地志稽疑中別
 又東漢潛水經列葛水帖子曰列葛水一名長蘆
 水一名長蘆淫水實即絳之別目而其在衡漳支

流中最大今本水經濁漳清漳二篇缺失最甚則
 列和縣列葛水出東入滹陽水然不詳按
 南和縣列葛水出東入滹陽水然不詳按
 許氏說文滹水出東入滹陽水然不詳按
 國襄國之西山東北入滹陽水然不詳按
 水者也滹水出東入滹陽水然不詳按
 入呼沱漢志則襄國別有滹水出東入滹陽水然不詳按
 遇又有中邱之滹水東至張入滹水出東入滹陽水然不詳按
 可以牽連邱之滹水東至張入滹水出東入滹陽水然不詳按
 者矣乃太平寰宇記而不當聽其脫落散漫無稽
 足本乃所具者多也其所引鄜注則皆有以是知
 鴛水即魏都賦中所謂也其所引鄜注則皆有以是知
 襄國曰亦兼有浸水之中邱有蓬鵲之山則渚水出
 日漳水亦兼有浸水之中邱有蓬鵲之山則渚水出
 穿雖完文不兼有浸水之中邱有蓬鵲之山則渚水出
 滹水至鄭州之高角城襄城角而過故又稱襄角
 水而滹水一名即今內邱之百泉水酈氏以為一稱
 水蓼水一名即今內邱之百泉水酈氏以為一稱
 百世未湮則考古者不顏愨置也明矣○長蘆之目
 遇下原注許氏曰禹聲而顏愨置也明矣○長蘆之目

後今按趙無此字漢分沾縣為樂平郡治沾縣

水出樂平郡沾縣界故晉太康地記曰樂平縣舊名

清漳今按戴漢之故縣今按趙作名矣其山亦曰鹿谷山

水出大要谷吳斗南曰要即夏字南流逕沾縣故城東不歷其

西也又南逕昔陽城

左傳昭公十二年晉荀吳偽會齊師者假道于鮮

虞遂入昔陽杜預曰樂平沾縣東有昔陽城者是

也既云偽會齊師則不在樂平沾縣明矣杜既誤注而道元因之趙本引全氏校語

其水又南得梁榆水口水出梁榆城西大嘽山水有

二源北水東南流逕其城東南注于南水南水亦出

西山東逕文當城北又東北逕梁榆城南

卽闕與故城也秦伐韓闕與何焯曰韓當作趙按記趙世家秦韓相攻而圍闕與則善長之言非無

據何但本之秦紀耳蓋闕與在韓趙之界爭上黨者必爭闕與也○今案戴作趙

惠文王使趙奢救之奢納許歷之

說破秦于闕與謂此也司馬彪袁山松郡國志並

言涅縣有闕與聚盧諶征艱賦曰訪梁榆之虛郭

弔闕與之舊都袁豹亦云闕與梓材按袁豹二字舊作一桓字朱謀

璋曰桓字誤似是松字謂袁松也趙氏朱箋刊誤引全氏云非也蓋是袁豹○今按趙依改袁豹戴

作闕今梁榆城是也漢高帝八年封馮解散為闕

氏侯國按闕氏非闕與侯表有誤文索隱曰在安亭亦非○今按戴無闕氏二字

其水右

今按戴作左

合北水北水又東南入于清漳清漳

又東南與轅水相得轅水出轅河

今按戴作陽下同

縣西北

轅山南流逕轅河縣故城西南東流至粟城注于清

漳也

趙一清曰初學記儀州下引注曰黃巖水出遼山西黃岡下遼山即轅山今本無之

東過涉縣西屈從縣南

按地理志云魏郡之屬縣也

漢志無涉縣所謂志者不知誰作何焯曰

涉乃沙字之譌○今按趙依此改沙

漳水于此有涉河之稱蓋名因地變也

東至武安縣南黍窖邑入于濁漳

謝兆申云以下注文失○按漢志則濁漳

入于清漳至水經則清漳入濁漳矣李吉甫曰清不勝濁故也

水經注第十三終

後學王梓材錄董沛重校

水經注第十四

范陽酈道元注

鄞全祖望校

布政使銜浙江甯紹台兵備道無錫薛福成校刊

漣水

漣水出代郡靈邱縣高氏山

氏一作是

即漣今案趙夷之水也出縣西北高氏山山海經曰

高氏之山漣水出焉東流注于河者也其水東南流

山上有石銘題言冀州北界故世謂之石銘陁也

其水又南逕候塘今案趙重川名也又東合溫泉水

水出西北暄谷其水溫熱若湯能愈百疾故世謂之

溫泉焉東南流逕興豆亭北

亭在南原上欹傾而不正故世以欹城目之

東今案東字上戴本流今按戴作南注于漈今按戴重一漈字水

又東莎泉水注之水導源莎泉南流水側有莎泉亭

東南入于漈今案戴重漈水二字又東逕靈邱縣故城南今案趙有

水自中原四字南注漈水今案戴無此四字

應劭曰趙武靈王葬其東南二十里故縣氏之縣

古屬代漢靈帝光和元年中山相臧景今案戴上

請別屬也今案戴有瓚注二字地理志曰靈邱之號在武靈

王之前矣又按司馬遷史記趙敬侯二年朱謀瑋

乃九年今案戴趙徑改九年敗齊于靈邱則名不因武靈王事

如漢志顧炎武曰代靈邱是武靈王葬地而齊又

別有靈邱善長誤以代靈邱為齊靈邱而

不知齊境不得至代也。閻若璩曰胡三省謂齊

靈邱是漢清郡之靈縣出臆度毋寧闕疑。今案

漢志二字戴作瓚注趙作漢注

漈水自縣南流入峽謂之隘門

設隘于峽以譏禁行旅

歷南山

高峰隱天深溪埒谷

其水浴澗西轉逕御射臺南

臺在北阜上臺南有御射石碑南則秀嶂分霄層

崖刺天積石之峻壁立直上車駕浴澗每出今案戴有

是所游藝焉

瀧水西流又南轉東屈逕北海王詳之石碣南御射

碑今案此二字趙作所屈石柱北而南流者今案戴無此字也

東南過廣昌縣南

瀧水東逕交今案戴趙均作嘉下同牙川

廣昌縣南有交牙城未詳所築以川為名今案戴本無此

十六字趙引寰宇記作注

川有一今案趙作二水南來注之出恆山北麓匯今案戴作稚

川三合梓材按舊本作雖川三合趙氏朱箋刊誤引全氏曰當作滙蓋與嘉牙川水台流也以是

知上文一水當是二水之譌是則逕交牙亭東而北全校上文亦當為川有二水也

流注于瀧水

水之北山行即廣昌縣界

瀧水又東逕倒馬關

關山險隘是今案戴作最為深峭勢均詩人高岡之病

良馬傳險之困行軒梓材按趙本傳險之下釋云有脫文引全氏曰是困字○

今按戴依全增故關受其名焉

關水出西南長溪下東北歷關注瀧

瀧水南山上起御坐于松園建祇洹于東圃東北

二面岫郭今案戴作嶂高深霞峰隱日水望澄明淵無

潛甲行李所逕鮮不徘徊忘返矣

又東南過中山上曲陽縣北恆水從西來注之

滹水自倒馬關南流與大嶺水合水出山西南大嶺

下東北流出峽

峽右山側有祇洹精廬飛陸陵山丹盤虹今案趙作虹盤

梁長津泛瀾縈帶其下

東北流注于滹滹水又屈而東合兩嶺溪水水出恆

山北阜東北流歷兩嶺間

北嶺雖層陵雲舉猶不若南巒峭秀自水南步遠

峰石磴今案戴作磴逶迤沿途九曲歷睇諸山咸為劣

矣抑亦羊腸邛來今案戴作邛之類者也齊宋通和路

出其間

其水東北流注于滹水又東左合懸水水出山原岫

盤谷輕湍濬下分石飛懸一匹有餘直灌山際白波

奮流自成潭渚其水東南流揚湍注于滹滹水又東

流合定水定水東流今案此七字戴趙均無歷鴻山

世謂是處為鴻頭鴻頭初學記引作戲頭誤也疑即晉書地道

記所謂鴻上關者也關尉治北平而畫塞于望都

東北去北平不遠兼縣土所極也梓材案舊本作兼縣上所拯也

趙氏朱箋刊誤引全氏云上當作土拯當作極。今按戴趙並依改

滹水于是左納鴻上水水出西北近溪東南流注于

澧水也

又東過唐縣南

澧水又東逕左人城南

應劭曰左今案趙人城在唐縣此三字西北四

十里

亦或謂之為唐水也今案趙本此句上有縣有電水四字水出中山城

之西如北

城內有小山在城西側而銳上若委粟焉疑卽地

道記所云望都縣有委粟關也俗以山在邑中故

亦謂之中山城以城中有山之目今案戴無此三字而有唐水二

字因復謂之為廣唐城也故今案戴無此字中山記以為

中人城又以為鼓聚殊為乖謬矣言城中有山故

曰中山城也中山郡治京相璠曰今中山望都西

北今案西北二字二十里有故中人城望都城東

有一城名堯姑城本無中人今按趙作山之傳璠或以

為中人所未詳也中山記所言中人者城東去望

都故城一今按戴無此字十餘里二十里則減但苦其不

東觀矣謝兆申曰有誤文○異說咸為爽矣今此

城于盧奴城北如西六十里

城之西北泉源所導西逕郎山北郎唐音讀近實兼

唐水之傳今案趙西流歷左人亭注漉水今案戴重

又東左會一水水出中山城北郎今案趙山今案戴

阜下亦謂之唐水也然于城非在西今案戴又名之

為甕水又兼二名焉西南流入漉並所未詳蓋傳疑

耳漉水又東恆水從西來注之自下漉水兼納恆川

之通稱焉即禹貢所謂恆衛既從也漉水又東北苞

馬溺水水出上曲陽城東北馬溺水今案戴東北流

逕伏亭

晉書地道記曰望都縣有馬溺關中山記曰八渡

馬溺是山曲要害之地一一今案一一關勢帶今

戴無此字接疑斯城即是關尉宿治異目之來非所詳

矣

馬溺水又東流注于漉漉水又東逕中人亭南

春秋左傳昭公十三年晉荀吳師師侵鮮虞及中

人大獲而歸者也

漉水又東逕京邱北

世謂之京陵南對漢中山頃王陵

漉水北對君子岸

岸上有哀王子憲王陵

坎下有泉源積水亦曰泉上岸漉水又東逕白上北

南即靖王子康王陵三墳並列者是矣今按戴無此字

滄水又東逕樂羊城北

史記稱魏文侯使樂羊滅中山蓋其故城中山所造也故城得其名

滄水又東逕唐縣故城閻若璩曰唐縣在班志居南第四縣按班志首盧奴縣

北今案戴作此二城俱在滄水之陽故曰滄水逕其東今案

戴作南城西又有一水導源盧奴今案戴無此二字縣之西北

至城西今案戴無此三字趙作是城之西北五字平地泉湧而出以柳校本校俗

亦謂之為唐水也東流至唐城西北隅竭而為湖俗謂之唐池

蓮荷被水勝今案戴作嬉遊多萃其上信為嬉今案戴作勝處也

其水南入小溝下注滄水自上歷下通禪唐川之兼稱焉

應劭地理風俗記曰唐縣西四十里得中人亭今

于此城取中人鄉則四十也唐水在西北入滄與

應符合又言堯山者在南則無山以擬之為非也

闕駟十三州志曰中山治盧奴唐縣故城在國北

七十五里駟所說北則非也梓材案舊本作此則非也趙氏朱箋刊誤

云此全氏校改北史記曰帝嚳氏沒帝堯氏作

始封于唐望都縣在南今此城南對盧奴故城自
外無城以應之考古知今事義全違俗名望都故
城則八十許里距中山城則七十里驗途推邑宜
為唐城城北去堯山五里與七十五里之說相符
然則俗謂之都山即是堯山在唐東北望都界皇
甫謚曰堯山一名豆山今山于城北而今案戴如
東嶄絕孤峙虎牙桀立山南有堯廟是即堯所登
之山者也地理志曰堯山在南今考此城之南又
無山以應之是故先後論者咸以地理記今案趙
之說為失又即俗說以唐城為望都城者自北無

城以擬之假復有之途程紆遠山河之狀全乖古
證傳為疏罔

是城西北豆山西足有一泉源東北流逕豆山下合
蘇水亂流轉注東入滄是豈唐水平所未詳也

又于是城之南如東一今案戴十餘里有一城俗
謂之高昌縣城或望都之故城也故縣曰望都
今案此六字縣在高昌今案高昌二字南皇甫謚

曰相去五十里稽諸城地猶十五里蓋書誤耳此
城之東有山孤峙世以山不連陵名之曰孤山孤
都聲相近疑即所謂都山也帝王世紀曰堯母慶

都所居

今案戴有故縣目曰望都六字

張晏曰堯山在北堯母慶

都山在南登堯山見都山故望都縣以為名也唐

亦中山城也為武公之國周同姓按中山非周同姓乃隗姓○趙

本引全氏曰按中山隗姓司馬彪曰子姓然則非周同姓也周之衰也國有赤

狄之難齊桓霸諸侯疆理邑土遣管仲攘戎狄築

城以固之按國語及管子齊桓築鄆五鹿中牟未聞築中山也蓋邢衛諸國有赤狄之難

道元誤以中山為中牟故以山戎為赤狄皆誤也此注舊本錯簡今改正○今案此三十字原在治水南盧奴縣之故城下盧水

出北平上戴趙並依全改正其後桓公不恤國政

周王問太史餘曰今之諸侯孰先亡乎對曰天生

民而令有別所以異禽獸也今中山淫昏康樂逞

慾無度其先亡矣後二年果滅魏文侯以封太子

擊也漢高祖立中山郡景帝三年為王國今按趙而辨

王莽之常山也魏皇始二年破中山立安州

天興三年改曰定州治水南盧奴縣之故城昔耿

伯昭歸世祖于此處也

澹水之右盧水注之水上承城內盧今案戴作黑水池地

理志曰盧水出北平疑為疏闊闕駟應劭之徒咸亦

言是矣按地志所言謂出中山國之北平縣也應劭始加一右字則遠矣善長并地志而疑其疏

亦未審也余按盧奴城內西北隅有水淵而不流南北一

今案戴無此字百步東西百餘步水色正黑俗名曰黑水池

或云水黑曰盧不流曰奴故城地今按戴作此城藉水以取名矣

池水東北際水有漢中山王故宮處臺殿觀榭皆

上國之制簡王尊貴沈炳異曰簡王疑梓材按底本有此而抹之壯麗

有加始築兩宮開四門穿城北累石今按戴有為字竇通

涿唐水今案戴無此三字有池字流于城中造魚池釣臺戲馬

之觀歲久頽毀遺基尚存今悉加土為利利靈圖

池之四周民居駢比填徧今按戴穢陋而泉源不

絕暨趙石建武七年遣北中郎將始築小城興起

北榭立宮造殿後燕因其故宮建都中山小城之

南更築隔城興復宮觀今府榭猶傳故制自漢及

燕梓材案舊本作漠及燕趙氏朱箋刊誤云漢全

並依沈校改漢謂漢中山國及後燕也○今按戴趙

全改瀦作涿戴今案瀦二字水逕石竇石竇

既毀池道亦絕水潛流出城潭積微漲涓水東北

注于瀦

瀦水又東逕漢哀王陵北

冢有二墳故世謂之兩女陵非也哀王是靖王之

孫康王之子也沈炳異曰漢表哀王之孫靖王之子曰康王

瀦水又東右會長星溝溝在今按戴上曲陽縣西北

長星渚渚水東流又合洛光水水出洛光溝東入長

星水亂流東逕恆山下廟北

漢末喪亂山道不通此舊有下階神殿中世以來

歲書法族焉何焯曰此十六字疑晉魏改有東西二廟廟前

有碑闕壇場相列今案此二字戴作列柏焉

其水今按戴有又字東逕上曲陽縣故城北

本岳牧朝宿之邑也古者天子巡狩常以歲十一

月至于北岳侯伯皆有湯沐邑以自齋潔周昭王

南征不還巡狩禮廢邑郭仍存秦罷井田因以立

縣縣今按戴作城在山曲之陽是曰曲陽有下故此為

上矣王莽之常山亭也

又東南流胡泉水注之水首受胡泉逕上曲陽縣南

又東逕平樂亭北左會長星川東南逕盧奴城南又

東北川渠之左有張氏墓

冢有漢上谷太守議郎張平仲碑光和中立

川渠又東北合澹水水有窮通不常津注

又東過安喜今案戴趙均作喜下同縣南

縣故安險也其地臨險有井塗之難漢武帝元朔

五年封中山靖王子劉應為侯國王莽更名寧險

漢章帝改曰安喜中山記曰縣在唐水之西今按戴作

曲山高岸險故曰安險邑豐民安改曰安喜秦氏

建元中唐水汎漲高岸崩頽城角之下有大積木交橫如梁柱焉後燕之初此木尙在未知所從余考記稽疑蓋城地當初山水湊盪漂淪巨棧阜積于斯沙息壤加重今案戴作漸以成地板築既興物固能久耳

澹水又東逕鄉城北

古今按戴無此字舊盧奴之鄉也中山記曰盧奴有三鄉

斯其一焉後隸安喜城郭南有漢明帝時孝子王

立碑

又東過安國縣北

澹水歷縣東分爲二水一水枝分東南流逕解瀆亭南

漢順帝陽嘉元年封河間孝王子淑于解瀆亭爲

侯國孫弘卽靈帝也

又東南逕任邱城南又東南逕安郭亭南

漢武帝元朔五年封中山靖王子劉傳富爲侯國

沈炳巽曰史表作博此從漢表○按本表曰涿郡而善長日卽中山之安國

其水又東南流入于滹沱今案趙作呼池又案戴趙均有澹水字又東

北流逕解瀆亭北而東北注之矣今按戴無此二字

又東過博陵縣南

全宋文卷之... 澹水

漣水東北逕蠡吾縣故城南

地理風俗記曰縣故饒陽之下鄉者也自河間分

屬博陵漢安帝永初七年封河間王開子翼為都

鄉侯沈炳巽曰永初當作元初翼由縣侯順帝永

建五年更為侯國也

又今案戴有逕博陵縣故城南

即古陸城今案戴漢武帝元朔二年封中山靖王

子劉貞為侯國者也陸城當從史記作陸城漢書

全氏曰漢表作陸城在地理風俗記曰博陵縣史

記蠡吾故縣矣漢質帝本初元年繼孝冲為帝何焯

曰是桓帝 追尊父翼陵曰博陵因以為縣又置郡

焉漢末罷還安平晉太始年復為郡今謂是城為

野城

漣水又東北逕侯井今案戴趙縣故城南太平寰宇

縣道記漢有侯井縣舊地理書並失所在以理推之

在今弓高縣界或曰今弓高縣即漢侯井縣詳所

的按今流俗本作侯世即侯井之譌也梓材按底

本有云按侯世不知何時之縣地形志高陽郡博野

縣有侯城與蠡吾接然非侯世亦非縣而已抹之趙

東引全氏曰按侯世不知何時之縣寰宇記定遠軍

書並失所在以理推之蓋在今弓高縣西北三十五

里房將池側置縣謂之侯井地理志河又東北逕陵

陽亭東又北左會博水水出望都縣東南流逕其縣

故城南

王莽更名曰順調矣

又東南潛入地下博水又東南于今案戴瀆重源湧

發東南逕三梁亭南

疑卽古勺梁也竹書紀年曰燕人伐趙圍濁鹿趙

武靈王及代人救濁鹿敗燕師于勺梁者也今廣

昌東嶺之東有山俗名之曰濁鹿岡今按戴作城

地不遠土勢相鄰以此推之或近是矣所未詳也

博水又東南逕穀梁亭南又東逕陽城縣散爲澤潏

渚水潏漲方廣數里匪直蒲筍是豐實亦偏饒菱

藕至若變童卯女今案戴作變婉卯童下有及字弱年息子或單

舟採菱或疊舸折菱長歌陽春愛深淥今按戴作綠水

撥拾者不言疲謠詠者自相和今按此二字戴作流響于時

行旅過矚亦有慰于羈望矣世謂之爲陽城澱今案

戴作澱也陽城縣故城近在西北故陂得其名焉郡

國志曰蒲陰縣有陽城者也今城在縣東南三十

里

其水又伏流循瀆屈清梁亭西北重源又發博水又

東逕白隄亭南又東逕廣望縣故城北

漢武帝元朔二年封中山靖王子劉忠爲侯國

又東合堀溝溝上承清梁陂又北逕清源今案戴城作涼

東 即將梁也漢武帝元朔二年封中山靖王子劉朝

平為侯國

其水東北入博水博水又東北左則濡水注之水出

蒲今案戴陰縣西昌安郭南

中山記曰郭東有舜氏甘泉有舜及二妃祠稽諸

傳記無聞此處世代又今案戴作云遠異說之來于是

乎在矣

其水自源東逕其縣故城南枉渚迴湍率多曲復亦

謂之為曲逆水也張晏曰濡水于城北曲而西流是受其名故縣亦因水名而氏曲逆矣

春秋左傳哀公四年齊國夏伐晉取曲逆是也沈炳

異曰左傳取曲時豈即曲逆耶漢高帝擊韓王信自代過曲逆上

其城望室宇甚多曰壯哉吾行天下唯雒陽與是

耳詔以封陳平為曲逆侯王莽更名順平

濡水又東與蘇水合水出縣西南近山東北流逕堯

姑亭南又東逕其縣入濡濡水又東得蒲水口水出

西北蒲陽山西南流積水成淵東西一今按戴無此字百步

南北百餘步深而不測其今案戴作蒲水又東南流

水側有古神祠世謂之為百祠亦曰蒲上祠所未詳也

又南逕陽安亭東

晉書地道記曰蒲陰縣有陽安關蓋陽安關都尉

治

世俗名斯川為陽安壙蒲水又東南歷壙逕陽安關

下

名關峯今案戴趙均作阜為唐頭坂

出關北流又東流逕夏屋故城

實中險絕竹書紀年曰魏殷臣趙公孫哀伐燕還

取夏屋城曲逆者也其城東側因阿仍墉築一城

世謂之寡婦城賈復從光武追銅馬五幡于北平

所作也世俗音轉故有是名矣周嬰曰地志太原

夏屋轉而為賈復賈復又轉而為寡婦也然則特

夏屋城耳善長謂是賈築矣趙一清曰汝水篇

亦有賈復城是其伐鄆時所築亦謂之寡婦城然

則周說非也況廣武在今代州而曲逆在保定之

完縣豈一地乎按曲逆有地名夏屋見竹書周氏

以廣武之夏屋當之宜為稽古者所非然趙氏亦

忘曲逆之本有夏屋而以為

異地則以五十步笑百步矣

其水又東南流逕蒲陰縣故城北地理志曰城在蒲

水之陰案此乃張晏注非志文

漢帝帝章和二年行巡北岳以曲逆名不善因山

水之名改曰蒲陰焉

水右合魚水水出北平縣西南魚山山有石若巨魚

舊本作山石善巨馬以太平寰宇記校改○今案戴趙並依改而無有字水發其下故世

俗以物色名川又東流注于蒲水又東入濡故地理

志曰蒲水蘇水並從縣東入濡水又東北逕樂城南

又東入博水自下博水亦兼濡水通稱矣春秋昭公

七年齊與燕會今案戴作盟于濡上杜預曰濡水出高易

縣東北至河間鄭縣入易水是濡水與滹沱滹易互

舉通稱矣今案此下趙有地理志曰博水東至高陽入河十二字博水又東北

徐水注之水西出廣昌縣東南大嶺下

世謂之廣昌嶺嶺高四十餘里二十里中委折五

迴方得達其上嶺故嶺有五迴之名下望層山盛

若蟻蛭實兼孤山之稱亦峻嶮今案戴作竦也山南七

里有鬪雞臺傳云燕太子丹鬪雞于此以上十八字以太平

寰宇記增○今案此十八字戴趙皆未補

徐水三源奇發齊瀉一澗東流北轉逕東山下

水西有御射碑

徐水又北流西屈逕南巖今案戴作崖下

水陰又有一碑

徐水又隨山南轉逕東崖今案趙作巖下

水際又有一碑凡此三銘皆翼對層巒巖鄣深高
壁立霞峙石文云皇帝以太延元年十二月車駕
東巡迺五迴之險遠覽崇岸之竦峙乃停駕路側
援弓而射之飛矢踰于巖山刊石用讚元功夾碑
今案戴趙有層臺二所即御射處也碑陰皆列樹
有竝字

徐水東北屈迺郎山又屈迺其山南

山今案戴趙均作衆岑競舉若豎鳥翹立石嶄巖亦如劒
杪極地險之崇峭漢武之世戾太子以巫蠱出奔
其子遠遁斯山故世有郎山之名山內有郎山君

碑事具于今案戴文按此文又是謬語漢時燕刺
王之墓曰戾陵或是刺王之
子庶近之

徐水又迺郎山君中子觸鋒將軍廟南

廟前有碑晉惠帝永康元年八月十四日壬寅發
詔錫君父子法祠其碑劉曜光初七年前頓邱太
守郎宣北平太守陽平邑振等共修舊碑刻石樹
頌焉光初正朔豈能及于中山不可曉也○梓材
案趙本引全氏曰中山之碑何以有劉曜紀
年不可曉也
蓋前校語

徐水又迺北平縣

縣界有漢熹平四年幽冀二州以戊子詔書孫潛曰戊

誤作代以隸釋改。遣冀州從事王球幽州從事

今案戴趙並依改張眼今案戴郡縣分境立石標界具揭石文矣

徐水又東南流歷石門中

世俗謂之龍門也

其山上合下開開處高六丈飛水歷其間南出乘崖

傾瀾泄今案此二字注七丈有餘湔盪之音奇為壯

猛觸石成井水深不測素波自激濤襄四陸瞰之者

驚神臨之者駭魄矣東南出山逕其城

中有故碑是太白君碑郎山君之元子也

其水又東流漢光武追銅馬五幡于北平破之今案戴有

于順水北乘勝追北為其所敗短兵相接光武自投

崖下遇突騎王豐于是授馬進今案戴作退趙亦以進字為傳刻之譌

保范陽順水蓋徐水之別名也徐水又東逕蒲城北

又東逕清苑城又東南與沈今案戴作盧下同水合水出蒲

城西俗謂之泉頭水也地理志曰北平縣有沈水東

入河今案戴無此三字即是水也案今班志無沈水當是脫文太平寰宇記沈水在清

苑縣北東逕其城又東南左入徐水地理志曰東至高

陽入河今案戴作博今不能也徐水又東左合曹水水出

西北朔寧縣曹河澤東南流左合岐山之水水出岐

山東逕邢安城北又東南入曹河曹水又東南逕北

新城縣故城南又逕北新城縣故城北以孫本芟正其誤文。今

案戴本無此九字

王莽之朔寧縣也漢志作朔平。今案戴趙徑改朔平

曹水又東入于徐水徐水又東南逕一今案戴無此字故城

北

俗謂之祭隅城所未詳也趙一清曰見太平寰宇記今本誤為祭過。今

現行趙本仍作祭過而辨之

徐水又東流入今案此二字博水地理志曰徐水出戴作一注字

北平東至高陽入于博又東入滹地理志曰博水自

望都東至高陽入于河今案戴作滹水有是也二字

又東北入于易

滹水又東北逕依城北世謂之依城河

地說無依城之名即故葛城也郡國志曰高陽有

葛城燕以與趙者也

滹水又東北逕阿陵縣故城東

王莽之阿陸也建武二年更封左將軍任光為侯

國

滹水東北至長城注于易水者也

水經注第十四終

後學王梓材錄董沛重校

水經注第十五

范陽酈道元注

鄞全祖望校

布政使銜浙江甯紹台兵備道無錫薛福成校刊

易水

易水出涿郡故安縣閭鄉西山

易水出西山寬中谷東逕五大夫城南

昔北平侯王譚不同

今案戴作從

王莽之政子興生五

子並避時亂隱居此山故其舊居世以為五大夫

城即此潘

今按戴趙無此字

岳讚云五王在中麗葛連續

者也

周嬰曰譚封平阿侯非北平平阿嘗稱莽因得封新都其不同於莽者譚子平阿侯仁也

譚諸子有去疾有閔見董賢傳有向見隗囂傳仁子述見馬嚴傳仁子磐見馬援傳東觀記以為述

子而興諸子非酈氏幾無聞考太平御覽亦有之
○按周氏已疑此事而顧炎武直斥之顧氏是也
王譚並不得北平謬一又譚卒後歷王商王根莽
始枋政安得有不同謬二仁已橫死五才何獨得
脫然謬三名漢人少二名者即王氏五世可見而五
才皆二名謬四封國何以不出中山之境謬六班
喜蒲陰章帝所改世祖乃取其名以班爵謬及此
范荀袁皆不及獨見于太平御覽之河北記同末
注謬七○梓材按趙本引全氏校語大略謂之排
云日知錄曰兄弟二名而用其一者世謂之排
行起自晉末漢人所未有也水經注昔北平侯王
譚不同王莽之政云是後人追撰妄說東漢人
二名者亦少又按寰宇記
五公城事亦出河北記

易水今按戴東左與子莊溪水合水北出子莊關南

流逕五公城西屈逕其城南

五公即王興之五子也梓材按朱謀埠本即作猶趙氏刊誤云猶全氏校改

作即○今按戴趙並依改光武即帝位封為五侯元才北平侯

益才安喜侯顯才蒲陰侯仲才新市侯季才今按戴趙

有為唐侯所謂中山之今按戴無此字五王也俗又以五

公名居矣二館之城澗曲泉清山高林茂風煙披

薄觸目怡今按趙作栖情方外之士尙憑依舊居取暢

林木今按二館之城至此三十三字戴移置於後

而下方而有二城並廣一文許俱在岡阜之上上斜

其水東南入于易水易水又右會女思谷水水出西

南女思澗東北流注于易謂之三會口易水又東屈

關門城西南

即燕趙長城門也

與樊石山水合水源西出廣昌縣之樊石山東流逕覆釜山下東流注于易水易水又東歷燕之長城又東逕漸離城南

蓋太子丹館高漸離處也

易水又東逕武陽城南蓋易自寬中谷今按戴趙均無此字武夫關東出是兼武水之稱故燕之下都擅武陽之名左得濡水枝津故瀆

武陽大城東南小城即故安縣之故城也漢文帝封丞相申屠嘉為侯國城東西二里南北一里半

高誘云易水逕故安城外東南今按戴無此字流即斯水也誘是涿人事經明證

今水被城東南隅世又謂易水為故安河

武陽蓋燕昭王之所城也東西二十里南北十七里故傅逮述遊賦日出北薊歷良鄉登金臺觀武陽兩城遼廓舊迹冥芒蓋謂是處也

易水東流而出于范陽

東過范陽縣南又東過容城縣南

易水逕范陽縣故城南

秦末張耳陳餘為陳勝略地燕趙命蒯通說之范

陽先下是也漢景帝中三今按戴年封匈奴降王

代為侯國王莽之通順也沈炳異曰今漢志乃順

又案此下戴有昔慕容容垂之為范陽也成之即斯

易水又東與濡水合水出故安縣西北窮獨山南谷

東流與源泉水合水發北溪東流注于濡水今按戴

東南流濡水又東南逕樊於期館西

是其授首于荆軻處也

濡水又東南流逕荆軻館北

昔燕丹納田生之言尊軻上卿館之于此二城並

廣一里許俱在岡阜之上上邪而下方今按二城

又字戴本移前而有二館之間至

濡水又東逕武今按趙陽城西北舊竭濡水枝流南

入城逕相今按戴冢西

冢互今按戴城側即水塘也四周塋域深廣有若

城焉其水側有數陵墳高壯望若青邱詢之古老

訪之史籍並無文證以私情求之當是燕都之前

故墳也或言燕之墳塋斯不然矣

其水之故瀆南出屈而東轉又分為二瀆今按趙有

金臺陂七字一水逕故安城西側城南注易水

夾塘崇峻邃岸高深左右百步有二釣臺參差交峙迢遞相望更為佳觀矣

其一水東出注今按趙無此字金臺陂

東西六七十步南北五十步側陂西北有釣臺高

十丈今按戴作高丈餘方可四十今按趙有餘字步陂北十餘步

有金臺臺上東西八十許步南北加今按戴作如減高

十餘丈今按戴無此四字昔慕容垂之為范陽也當作慕容德鄴

氏誤記○趙本引全氏校語成之即斯今按此十三字戴本移前臺今按趙有也字

北有小金臺臺北有蘭馬臺並悉高數丈秀峙相

對翼臺左右水流徑通長廡廣宇周旋被浦棟堵

咸淪柱礎尚存是其基構可得而尋意欲圖還上

西京阻於行旅造次不獲遂心今按戴作中又按此十六字戴本移前

泉訪諸耆舊咸言昭王禮賓廣延方士至如郭隗樂

毅之徒鄒衍劇辛之儔宦遊立說之民自遠而屈

者多矣不欲令諸侯之客伺隙燕邦故脩建下都

館之南垂言燕昭創之于前子丹踵之于後故雕

牆敗館尚傳鐫刻之石梓材按朱謀埠本作名趙氏刊誤云名字誤全氏曰

當作石○今按戴趙並依改雖無經記今按趙作紀可憑察其古跡

似符宿傳矣周嬰曰文選注引上國圖經黃金臺在易水東南十八里燕昭王置又王

隱晉書段匹碑討石勒進屯故安縣故太子黃金臺是臺本有二也趙一清曰周密已早有此語但

考舊唐志故安即易州治隋開皇中始開改置則不必強分也

濡水自堰又東逕紫池堡西屈而北流又有渾塘溝水注之水出迺縣西白馬山南溪中東南流入濡水濡水又東至塞口古纍石堰水處也濡水舊枝分南入城東大陂陂方四里今無水陂內有泉淵而不流際池北側俗謂聖女泉濡水又東得白楊水口水出迺縣西山白楊嶺下東南流入濡水時人謂之虎眼泉也濡水東合檀山今按戴無此字水水出迺縣西北檀山西南南今按趙無此字流與石泉水會水出石泉固東南隅水廣二十許步深三丈

固在眾山之內平川之中四周絕澗阻水八丈有餘石高五丈石上赤土又高一匹壁立直上廣四五十步以柳本校○今按戴趙均作四十五步水之不周者路不容軌僅通人馬謂之石泉固固上宿有白楊寺是白楊山神也寺側林木交蔭叢柯隱景沙門釋法澄建刹于其上更為思立之勝處也

其水南流注于檀水故俗有并溝之稱矣今按戴趙作焉其水又東南流歷故安縣北而南注濡水又東南流于容城縣西北大利亭東南合易水而注巨馬水也故地理志曰故安縣閭鄉易水所出至范陽入濡水闕

駟亦言是矣又曰濡水合渠許慎曰濡水入深深渠

按今本說文濡水入漆涑乃誤

文○今按兩深字戴俱作涑 二號即巨馬之異名

然二易俱出一鄉同入濡水南濡北易至涿郡范陽

縣會北濡又並亂流入涑是則易水與諸水互攝通

梓材按趙氏朱箋刊誤云東逕上落

稱巨馬水又東逕容城縣故城北

巨馬水又四字全氏校補○今按戴本未補 渾濤東注至渤海平舒縣與

易水合闕駟曰涿郡西界代之易水而是水出代郡

廣昌縣東南郎山東北燕王仙臺東

臺有三峯甚為崇峻騰雲冠峯高霞翼嶺岫壑沖

深含煙罩霧耆舊言燕昭王求仙處

其東謂之石虎岡

范曄漢書云中簡王焉

今按趙無此字

之窳也厚其葬

採涿郡山石以樹墳瑩陵隧碑獸並出此山

今按趙有

謂之石虎山山

六字戴以為衍 有所遺二石虎後人因以名岡

岡

今按戴

作山 之東麓即泉源所導也經所謂閭鄉西山

其水東流有泌

今按趙作滋

水南會渾波同注俗謂之為

雩河

司馬彪郡國志曰雩水出故安縣世祖令耿況擊

故安西山賊吳耐蠡符雩上十餘營皆破之

按范史是

況子

即是水者也

易水又東逕孔山北

山下有鍾乳穴穴出佳乳採者購火尋路今按戴趙均作

沙入穴里許渡一水潛通流注今按戴作潛流通注其深可

涉于中衆穴奇分合出入者疑迷不知所趣每于

疑路必有歷記返者乃尋孔以自達矣上又有大

孔豁達洞開故以孔山為名也

其水又東逕西故安城南

卽閭鄉城也

歷送荆陘北

其音舊云燕丹餞荆軻于此因而名焉世代已遠非

所詳也遺名舊傳不容不詮庶廣後人傳聞之聽

易水又東流屈逕長城西又東流南逕武遂今按戴趙作隧

下縣南新城縣北

史記曰趙將李牧伐燕取武遂方城是也

俗又謂是水為武遂津津北對長城門謂之汾門

史記趙世家云孝成王十九年趙與燕易土以龍

兌汾門與燕燕以葛城武陽與趙卽此也

亦曰汾水門又謂之梁門矣易水東分為梁門陂易

水又東梁門陂水注之水上承易水于梁門東入長

城東北入陂陂水北接范陽陂陂在范陽城西十里

方一今按戴無此字十五里俗亦謂之為鹽臺陂陂水南通

梁門淀方三里淀水東南流出長城注易謂之范水

易水自下有范水通曰又東逕范陽縣故城南即應

劭所謂范水之陽也易水又東逕樊輿縣故城北

漢武帝元朔五年封中山靖王子劉條為侯國王

莽更名握符矣地理風俗記曰北新城縣東二十

里有樊輿亭故縣也

易水東逕容城縣故城南

漢高帝六年封趙將夕于深澤景帝中三年以封

匈奴降王攜徐盧于容城一本夕作夜攜作唯皆從史記也此從漢表

今按戴趙作夜作唯皆為侯國王莽更名深澤今按戴有也字

易水又東逕水注之其水上承二陂于容城縣東南

謂之大滎澱今按戴作澱下同小滎澱其水南流注易水謂

之滎澱口水側有渾滎城太平寰宇記晏公類要滎俱作泥省文也誤本作握

于是金泰和四年改渾滎縣為滎城縣不學之謬也易水逕其南東合滎水故

桑欽曰易水出北新城西北東入滎自下滎易互受

通稱矣易水又東逕易京南按漢志易水入濡亦入滎故云互受通稱○趙本引全氏曰按桑欽之言與

漢志大相參錯滎入易易不入滎其入滎者支流耳善長蓋以互受通稱調停之

漢末公孫瓚害劉虞于薊下時童謠云燕南垂趙

北際唯有此中可避世瓚以易地當之故自薊徙
 臨易水謂之易京城在易城西四五里趙建武四
 年石虎自遼西南達易京以京鄣至固令二萬人
 廢壞之今者城壁夷平其樓基尚存猶高一匹餘
 基上有井世名易京樓即瓚所堡今按戴趙作保也故瓚
 與子書云袁氏之攻狀若鬼神衝梯舞于樓上鼓
 角鳴于地中即此樓也

易水又東逕易縣故城南

昔燕文公徙易即此城也闕駟稱燕太子丹遣荆
 軻刺秦王與賓客知謀者祖道今按此下戴趙有于易水上燕丹子

稱荆軻入秦太子與知謀者十八字皆素衣冠送之于易水之上荆
 軻起為壽歌曰風蕭蕭兮易水寒壯士一去兮不
 復還漸離擊筑宋如意和之為壯聲士髮皆衝冠
 為哀聲士皆流涕疑于此也余按遺傳舊跡多在
 武陽似不饒此也漢景帝中三年封匈奴降王僕
 隃為侯國也黠漢表作黠此從史表○今按戴趙作黠

又東過安次縣南

易水逕縣南鄭縣故城北東至文安縣與滹沱今按戴作
滹沱趙合
作庫池

史記蘇秦曰燕長城以北易水以南正謂此水也

是以班固闕駟之徒咸以斯水謂之南易

又東過泉州縣南東入于海

經書水之所歷沿次注海也顧祖禹曰樂史云易水有三源流經易州南三十里窮獨山者謂之濡水亦曰北易水出州西南六十里石獸岡者謂之電水亦曰南易水中易水流逕定興縣西亦謂之白溝河涑水縣之拒馬河流合焉又東逕東安縣及永清縣南入武清縣之三角淀又東南至小直沽與衛河合達于海此易水之東出者也其南易水自安肅答城縣南又東南逕安州北曹河徐河石橋河一畝泉河滋河沙河鴉兒河唐河與易水共為九河合成一川統名為易水東至雄縣南亦名瓦濟河又東歷河間府任邱縣北霸州至保定縣文安縣南引而東合于滹沱同注于海此易水之別出而東南流者也蓋易水之源並出于海州而其流自不相亂或曰易水或曰故安河則推其本而言之也其于南易水或曰滋水或曰溝河則從其流而言之也

河或曰唐河沙河則因所匯合之川言之也宋何承矩議引易水為塘埭謂既可以限敵騎又可以利耕屯然自宋人引水作塘之後而川流之故道益亂矣或曰易水本無正流附合支川以達于海故自漢以來言易水之源流者多未得其詳云

聖水

聖水出上谷

故燕地秦始皇二十三年置上谷郡王隱晉書地道志曰郡在谷之頭故因以上谷名焉王莽改今戴作更名朔調也

水出郡之西南聖水谷東南流逕大防嶺之東首

山下有石穴東北洞開高廣四五丈入穴轉更崇

深穴中有水者舊傳言昔有沙門釋惠彌者好精

物隱嘗篝火尋之傍水入穴三里有餘穴分爲二

一穴殊小西北出不知趣詣一穴西南出入穴今按

趙作逕五六日方還又不測窮深其水夏冷冬溫

春秋有白魚出穴數日而返人有採捕食者美珍

常味蓋亦丙穴嘉魚之流今按戴無此字類也

是水東北流入今按趙作逕聖水聖水又東逕玉石山

謂之玉石口山多珉玉燕石故以玉石名之

其水伏流里餘潛源東出又東頽波瀉澗一丈有餘

屈而南流也

東過良鄉縣南

聖水南流歷縣西轉又南逕良鄉縣故城西

王莽之廣陽也

有防水注之水出縣西北大防山南而東南流逕羊

頭阜下俗謂之羊頭溪其水又東南流至縣東入聖

水聖水又南與樂水合水出縣西北大防山南東南

流歷縣西而東南流注聖水又東逕其縣故城南又

東逕聖聚南

蓋藉水而懷稱也

又東與挾今按戴趙俱作挾下同河合水出良鄉縣西甘泉原

東谷東逕西鄉縣故城北

王莽之移風也世謂之都鄉城按地理志涿郡有

西鄉縣而無都鄉城蓋世傳之非也

又東逕良鄉城南又東北注聖水世謂之挾活河水

沙俱活東西不定故曰又名之曰非灤今按戴作之溝

也

又東過陽鄉縣北陽今本誤作長按長鄉晉縣注中明

云東逕陽鄉城西不逕其北又曰陽

鄉即長鄉其為陽字明矣趙本引全氏曰

當是陽鄉細玩注文可見今按戴亦依改聖水自涿縣東與桃水合水首受涑水于徐城東南

良鄉西分垣水世謂之南涉今按戴溝即桃水也東

逕迺縣北又東逕涿縣故城下與涑水合世以為涑

水又今按趙亦謂之桃水今按趙出涿縣故城西南

奇溝東八里大坎下數泉同發東逕桃仁墟北或曰

因水以名墟則是桃水也或曰終仁之故居非桃仁

也余按地理志桃水上承涑水此水所發不與志同

謂終為是又東北與樂堆泉合水出堆東東南流注

于涑水涑水又東北逕涿縣故城西流今案戴注于

桃應劭曰涿郡故燕漢高帝六年置其南有涑水郡

今按趙蓋氏焉闕駟亦言是矣今于涑城南無水以

應之所有唯西南有是水矣應劭又云涑水出上谷

涿鹿縣余按涿水自涿鹿東注灤水灤水東南逕廣陽郡與涿郡分水漢高祖六年分燕置涿郡涿之為名當受涿水通稱矣故郡縣氏之但物理潛通所在分發故在上谷今按此二字戴作匈奴為涿耶水朱謀埠曰見灤水篇注山川阻闊並無沿注之理所在受名者皆是經隱顯相關遙情受用以此推之事或近矣而非所安也桃水又東逕涿縣故城北

王莽更名垣翰

趙一清曰莽改涿郡為垣翰非涿縣也故武垣有垣翰亭之目晉

大始元年改曰范陽郡今郡理涿縣故城城內東

北角有晉康王碑

康王墟之父綏也

城東有范陽王司馬

墟廟碑

桃水又東北與垣水會水上分

今按戴作承

涑水于良鄉

縣之

今按戴作分

桃水世謂之北涉溝故應劭曰垣水出

良鄉東逕垣縣故城北

史記音義曰河間有武垣縣涿有垣縣

趙一清曰漢志垣縣

屬河東郡武垣縣屬涿郡又史表垣侯索隱曰縣名屬河東則非涿之武垣可知○沈炳異曰續志河間有武垣孟康音義由之而誤但遂以垣屬涿不攷甚矣漢景帝中元年今按趙俱作封匈奴降王賜為侯國王莽之垣翰亭矣世謂之頃城非也

又東逕頃

亦地名也

故有頃上言世名之頃前河又東洛水注之水上承

鳴澤渚渚方一今按戴無此字十五里

漢武帝元封四年行幸鳴澤者也服虔曰澤名在

迺縣北界即此澤矣

西則獨樹水注之水出迺縣北山東入渚北有甘泉

水注之水出良鄉西山東南逕西鄉城西而南注鳴

澤渚今按戴有渚水東出為洛六字水又東逕西鄉城南又東逕垣

縣而南入垣水垣水又東逕涿縣北東流注于桃故

應劭曰垣水東入桃闕駟曰至陽鄉注之今按經脉

而不能屈也桃水東入今按戴作逕陽鄉東注聖水聖水

又東廣陽水注之水出小廣陽西山東逕廣陽縣故

城北又東福祿水注焉水出西山東南逕廣陽縣故

城南東入廣陽水亂流東南至陽鄉縣右注聖水聖

水又東南逕陽鄉城西不逕其北矣

縣故涿之陽亭也地理風俗記曰涿縣東五十里

有陽鄉亭後分為縣王莽時更名章武即長鄉縣

也按太康地記涿有長鄉而無陽鄉矣

聖水又東逕長興城南沈炳翼曰長興疑當作長鄉又東逕方城

縣故城北今按趙無此字

李牧伐燕取方城是也魏封劉放為侯國

聖水又東左會白祀溝溝水出廣陽縣之婁城東東南流左合婁城水水出平地導源東南流右注白祀水亂流東南逕常道城西

故鄉亭也西去長鄉城四十里魏少帝璜甘露三年所封也沈炳巽曰甘露是

又東南入聖水聖水又東南逕韓城東

詩韓奕章曰溥彼韓城燕師所完王錫韓侯其追其貊奄受北國鄭玄曰周封韓侯居韓城為侯伯言為獫夷所逼稍稍東遷也王肅曰今涿郡方城

縣有韓侯城世謂之寒號城非也

聖水又東南流右會清淀水水發西淀東流注聖水謂之劉公口也

又東過安次縣南東入于海

聖水又東逕渤海安次縣故城南

漢桓帝中平二年封荊州刺史王敏為侯國沈炳巽曰中平靈帝紀元。今按戴依此

又東南流注于巨馬河而不達于海也

巨馬水

巨馬水今按戴趙出代郡廣昌縣涑山

即涑水也有二源俱發涑山東逕廣昌縣故城南

王莽之廣屏矣魏封樂進為侯國

涑水又東北逕西射魚城東南而東北流又逕東射

魚城南又屈逕其城東

竹書紀年曰荀瑤伐中山取窮魚之邱窮射字相

類疑即此城也所未詳矣

涑水又逕三女亭西又逕樓亭北左屬白澗溪水有

二源合注一川

豐川石皓然望同積雪故以物色受名

其水又東北流謂之石槽水伏流地下溢則通津委

注謂之白澗口涑水又東北桑谷水注之水南發桑

溪北注涑水涑水又北逕小鬢東又東逕大鬢南

蓋霍原

今按戴趙有隱居二字

教授處也徐廣云原隱居廣

陽山教授數千人為王浚所害

梓材按害朱謀埠本作召趙氏刊誤

云全氏校改害○今按戴趙俱依改

雖千古世懸猶表二鬢之稱既

無碑頌竟不知定誰居也

涑水又東北歷紫石溪口與紫水合水北出聖人城

北大亘下東南流左會壘

今按戴作磊

礪溪水

蓋山崩委澗積石淪隍故溪澗受其名矣

水出東北西南流注紫石溪水紫石溪水又逕聖人

城東又東南右會檐今按趙作檐下同車水水出檐車礮東南流逕聖人城南南流注紫石水又南注于涑水涑水又東南逕榆城南又屈逕其城東謂之榆城河涑水又南逕藏刀山下

層巖壁立直上千霄遠望崖側有若積刀鏗鏗相比咸悉西首

涑水東逕徐城北故瀆今按趙作沙溝出焉世謂之沙溝水

又東督亢溝出焉一水東南流即督亢溝也一水西南出即涑水之今按趙無此字故瀆矣水盛則長津引注水耗則通波潛伏重源顯于迺縣舊則今按戴川矣有誤

文

東過迺縣北

涑水上承故瀆于縣北垂重源再發結為長潭潭廣

百許步長數百步左右翼帶涓流控引眾水今按趙無此二

字自成淵渚長川漫下一今按戴無此字十許步東南流逕

迺縣故城東

漢景帝中三年以封匈奴降王隆疆為侯國王莽更名迺屏也

謂之巨馬河亦曰渠水也又東南流

袁本初遣別將崔巨業攻固安不下退還公孫瓚

追擊之于巨馬水死者六七千人即此水也

又東南逕范陽縣故城北易水注之

太平寰宇記引注文曰巨馬水

流逕加夷山即睽子于山中養無目父母之所也今佚

又東南過容城縣北

巨馬水又東酈亭溝水注之水上承督亢溝水于迺

縣東東南流歷紫淵東

余六世祖樂浪府君自涿之先賢鄉爰宅其際西

帶巨川東翼滋水枝流津通纏絡墟圃匪直田漁

東之贍可懷信為遊神之勝處也

其水東南流又名之為酈亭溝其水又西南轉歷大

利亭南入巨馬水又東逕容城縣故城北又東督亢

溝水注之水上承涑水于涑谷引之則長津委注過

之則微川輟流水德含和變通在我東南流逕迺縣

北又東逕涿縣酈亭樓桑里南

即劉備之舊里也

又東逕督亢澤澤苞方城縣

縣故屬廣陽後隸于涿郡國志曰縣有督亢亭孫

暢之述畫有督亢地圖言燕太子丹使荆軻齎入

秦秦王殺軻圖亦絕滅地理書上古聖賢冢地記

曰督亢地在涿郡今故安縣南有督亢陌幽州南

界也風俗通曰沆漭也言乎淫淫漭漭無崖際也
沆澤之無水斥鹵之謂也

其水自澤枝分東逕涿縣故城南又東逕漢侍中盧

植墓南又東散為澤渚督亢澤也北屈匯今按戴于

桃水督亢水又南謂之白溝水南逕廣陽亭西為按今

戴趙無此字而有而南合三字枝溝溝水西受巨馬河東出為枝溝

又東注白溝白溝又南入于巨馬河巨馬河又東南

逕益昌縣濩澱今按戴作護水右注之水上承濩陂于臨

鄉縣故城西東南逕臨鄉城南沈炳巽曰是漢封廣陽有頃字王子須為侯國頃王子雲

今按戴趙依此徑改雲地理風俗記曰方城南十里有臨鄉

城故縣也有羨文四字芟。今按朱謀埠本有城南十里四字戴趙並依此芟

淀水又東南逕益昌縣故城西南入巨馬水巨馬水

東逕益昌縣故城南

漢封廣陽頃王子嬰為侯國王莽之有秩也地理

風俗記曰方城縣東八十里有益昌城故縣也

又東八丈溝水注之水出安次縣東北平地東南逕

安次城東南逕泉州縣故城西又南右合滹沱今按

戴作滹沱趙作庫池下同河枯溝溝自安次西北東逕常道城東

安次縣故城西

晉司空劉琨所守以拒石勒也

又東南至泉州縣西南東入八丈溝又南入巨馬河

亂流東注也

又東過渤海東平舒縣北東入于海

地理志曰涑水東南至容城入于河

今按戴重一河字 卽濡

水也蓋互以明會矣此句疑 巨馬水于平舒城北南入

于滹沱而同歸于海也

水經注第十五終

後學王梓材錄董沛重校

水經注第十六

范陽酈道元註

鄞全祖望校

布政使銜浙江甯紹台兵備道無錫薛福成校刊

灤水

灤水出雁門陰館縣東北過代郡桑乾縣南

按資治通鑑曰○今

按原校本資治通鑑曰下加三墨圍全氏引他書往往如是此條趙本引資治通鑑晉愍帝紀建興元年代公又作新平城於灤水之陽胡身之注云班固地理志右北平俊靡縣灤水南至無終東入庚師古曰灤力水翻又音郎賄翻酈道元水經注庚水與鮑邱水合俊靡在東平與平城西去甚遠新平城不在此灤水之陽也據魏書道武帝西如馬邑觀灤源則灤水蓋出于馬邑而東北流逕平城之南也酈道元魏人也其注水經敘代都之事宜詳初不言平城有灤水但言灤水逕平城南耳班志雁門陰館縣樓煩鄉累頭山治水所出東至泉州入海師古曰灤音力迫翻治音弋之翻竊謂水出累頭山疑當時亦有灤水之名師古音從平聲音相近也

全核水經注

卷六 灤水

意道元所謂濕水即灑水也丁度集韻灑灑灑三字同注云水出於雁門則亦有見于此矣灑類篇音魯水翻蓋梅磧既不知灑水之非灑水又不識灑字之義宜其輾轉支離而不可通也說文灑水出雁門陰館累頭山東入海或曰治水也從水壘聲力追切灑水出右北平俊靡東南入夷從水壘聲力軌切其言與漢志合是灑水非灑水也而丁度以為灑灑同出雁門是為謬悠也至于濕本濟濕之濕音他合翻說文作濕隸改曰為田又省一系字作灑而濕字反作燥溼之溼矣灑水導源累頭山故集韻又同出灑灑字也灑為灑之省文然已混于濟灑之灑宜別白之全校所引通鑑亦當是攷辨灑灑濕諸水正胡注之失二書校語大畧相同故備錄趙校以補之

灑水出于累頭山一曰治水泉發于山側沿坡歷澗

○今按戴趙作波東北流出山逕陰館縣故城西

縣故樓煩鄉也漢景帝後三年置王莽更名富臧

矣魏天安三年

按獻文天安無三年當是皇興三年

齊平徙其民于縣立平齊郡

灑水又東北流左會桑乾水縣西北上下

今按戴趙俱作平

洪源七輪謂之桑乾泉即潦涓水者也耆老云其水

潛

今按戴有通字承太原汾陽縣北通燕京山之天

今按戴作大

池池在山原之上世謂之天地方

今按趙有入字

里餘其水

今按戴無此二字

澄渟鏡淨潭而不流若安定朝那之湫淵

也清水流潭皎焉冲照池中嘗

今案趙作曾

無片

草及其風箏有淪輒有小鳥翠色投淵銜出若會稽

之耘鳥也其水陽焯

今案戴作燠

不耗陰霖不濫無能測

其淵深也古老相傳言嘗有人乘車於池側忽遇案今

戴趙俱大風飄之於水有人獲其輪于桑乾泉故知

作過二水潛流通注矣池東隔阜又有一石池方可五六

十步清深鏡潔不異天池桑乾水自源東南流右會

馬邑川水水出馬邑西川俗謂之磨川矣

蓋狄語音譌馬磨聲相近故爾

其水東逕馬邑縣故城南

于寶搜神記曰昔秦人築城于武周今按戴塞內

以備胡城將成而崩者數矣有馬馳走一地周旋

反覆父老異之因依以築城城乃不崩遂名今按

戴趙有之為馬邑或以為代之馬城也諸記紛競未識

二字所是漢以斯邑封韓王信後為匈奴所圍信遂降

之王莽更名之曰章昭

其水東今按趙注桑乾水桑乾水又東南流

有流字水南有故城東北臨河

又東南右合灑水亂流枝津今按戴趙南分桑乾水

又東左合武周今按戴塞水水出故城東南流出山

逕日沒城南

蓋夕陽西頽戎車所薄之城故也東有日中城城

東又有早起城亦曰食時城在黃瓜阜北曲中

其水又東流右注桑乾水桑乾水又東南逕黃瓜阜

曲西又屈逕其堆南

徐廣曰猗盧廢嫡子曰利孫于黃瓜堆者也猗盧乃拓

跋之穆宗善長身為臣子豈敢引此文斥其名當是後人竄入

又東右合枝津枝津上承桑乾河東南流逕桑乾郡

北

大魏因水以立郡受厥稱焉

又東北左合夏屋山水水南出夏屋山之東谿西北

流逕故城北

所未詳也

又西北入桑乾枝水桑乾枝水又東流長津委浪通

結兩湖東湖西浦淵潭相接水至清深晨鳧夕雁泛

濫其上黛甲素鱗潛躍其下俯仰池潭意深魚鳥所

寡惟良木耳俗謂之南池池北對涅陶縣之故城南

今按戴無此字故曰南池也池水又東北注桑乾水與灤水

今按戴有自下二字並受通稱矣灤水又東北逕巨魏亭西今按

巨魏亭戴作石亭

蓋皇魏天賜三年之所經建也

灤水又東北逕白狼堆南

魏烈祖道武皇帝于是遇白狼之瑞故斯阜納稱

焉阜上有故宮廟樓榭基雉尚崇每至鷹隼之秋
羽獵之日肆閱清野為昇眺之逸地矣

灤水又東流四十九里東逕巨魏亭北又東崞川水
注之水南出崞縣故城南沈炳異曰吳本誤作崞
山縣○今按趙依吳本

王莽之崞張也縣南面立岳右背崞山處二山之
中故以崞張為名矣

其水又西出山謂之崞口北流逕繁峙縣故城東
王莽之當要也

又北逕巨魏亭東今按趙無此字又北逕劇陽縣故城西
王莽之善陽也按十三州志曰在陰館縣東北一

百三里

其水又東注于灤水灤水又東逕班氏縣南如渾水
注之水出涼城旋鴻縣西南五十餘里東流逕故城

南北俗謂之獨谷孤城水亦即名焉東合旋鴻池水
水出旋鴻縣東山下趙一清曰地形志作
禮鴻注曰一作祗鴻水積成池

北引魚水水出魚谿南流注池池水吐納川流以成
巨沼東西二里南北四里北對涼川城之南池按涼
通鑑

作梁○趙氏朱箋刊誤曰涼州池全氏
校改涼川城○今按戴趙俱依此改池方五十里
俗名乞伏袁池今案趙
作河

雖隔越山阜鳥道不遠雲霞之間常有朱謀埠云
下脫少數

字

西南流逕旋鴻縣南右合如渾水是總二水之名矣
如渾水又東南流逕永固縣

縣以太和中因山堂之目以氏縣也

右會羊水水出平城縣之西苑外武周

今按戴塞北作州

出東轉逕燕昌城南

按燕書建興十年慕容寶自河西還軍敗於參合
死者六萬人十一年垂衆北至參合見積骸如山
設祭弔之今按戴有禮字死者父兄皆號泣六軍哀慟垂
慙憤嘔血因而寢疾焉輦過平城北四十里疾篤

築燕昌城而還卽此城也北俗謂之老公城

羊水又東注于如渾水亂流逕方山南

今按趙無此二字下嶺字

與方字連屬一句

嶺上有文明太皇太后陵陵之東北有高祖陵二
陵之南有永固堂堂之四周隅雉列榭階欄檻及
扉戶梁壁椽瓦悉文石也檐前四柱採洛陽之八
風谷黑石爲之雕鏤隱起以金銀間雲矩有若錦
焉堂之內外四側結兩石跌張青石屏風以文石
爲緣並隱起忠孝之容題刻貞順之名廟前鐫石
爲碑獸碑石至佳左右列柏四周迷禽闔日院外

西側有思遠靈圖圖之西有齋堂南門表二石闕

闕下斬山累結御路下望靈泉宮池皎若圓鏡矣

按太平寰宇記引注文是水亦名御浦水蓋以陵得名今本佚去。今按此下趙有羊水又東注五

字而以爲衍文戴亦刪之

如渾水又南至靈泉池枝津東南注池池東西一按今

戴無此字百步南北二百步池渚舊名白楊泉

泉上出今按戴作有白楊樹因以名焉其猶長楊五柞

之流稱矣南面舊京北背方嶺左右山原亭觀繡

峙方湖反景若三山之倒水下

如渾水又南逕北宮下

舊宮人作薄所在

如渾水又南分爲二水一水西出南屈入北苑中歷

諸池沼又南逕虎圈東

魏太平真君五年成之以牢虎也季秋之月聖上

親御圈上勅虎士効力于其下事同奔戎生制猛

獸卽詩所謂袒裼暴虎獻于公所也故魏今按戴作謂

有捍虎圖也周嬰曰事在太和二年因王獻得幸于文明太后而誇其捍虎之功善長

是注寄意于穆天子傳之奔戎蓋諱其事也。按善長明言太平真君五年恐其不指獻或別有一

圖也

又逕平城西郭內

魏太常七年所城也城周西郭外有郊天壇壇之

東側有郊天碑建興四年立

其水又南屈逕平城縣故城南

史記曰高帝先至平城史記音義曰在雁門即此

縣矣王莽之平順也魏天興二年遷都于此太和

十六年破太華今按此二字戴趙均無安昌諸殿造太極殿

東西堂及朝堂夾建象魏乾元中陽端門東西二

掖門雲龍神虎中華諸門皆飾以觀閣東堂東接

太和殿殿之東階下有一碑太和中立石是洛陽

八風谷之緇石也今按戴有太和二字殿之東北接紫宮寺

南對承賢門門南即皇信堂堂之四周圖古聖忠

臣烈士之容刊題其側是出今案戴趙均無此字辯章郎彭

城張僧達樂安蔣少遊于今按戴作筆趙以為此下有脫文堂南

對白臺臺甚高廣臺基四周列壁閣道自內而升

國之圖籙秘籍悉積其下臺西即朱明閣直侍之

官出入所由也

其水夾御路南流逕蓬臺西

魏神瑞三年又建白樓梓材按此碑本又下有毀字衍文。今按樓甚高竦加觀榭于其上表裏

戴趙均依此今按飾以石粉皜曜建素赭白綺分故世謂之白樓也

後置大鼓于其上晨昏伐以千椎為城里諸門啟閉之候謂之戒晨鼓也

又南逕皇舅寺西

其是太師昌黎王馮晉國所造朱謀埠曰馮熙字有晉國文明太后兄

五層浮圖其神圖像皆合青石為之加以金銀火

齊眾綵之上煒煒有精光

又南逕永寧七級浮圖西

其制甚妙工在寡雙

又南遠今按趙作遠出郊郭弱柳蔭街絲楊被浦公私引

裂用周圍漑今按趙作挽長塘曲池所在布濩故不可得

而論也一水南逕白登山西

服虔曰白登臺名也去平城七里如涓曰平城傍

之高城若邱陵矣今平城東十七里有臺即白登

臺也臺南對岡阜即白登山也故漢書稱上遂至

平城上白登者也為匈奴所圍處孫暢之述畫曰

漢高祖被圍七日陳平使能畫者作美女送與冒

頓闕氏恐冒頓勝漢其寵必衰說冒頓解圍于此

矣

其水又逕寧先宮東

獻文帝之為太上皇也今按戴無此字所居故宮矣宮之

東次下有兩石柱是石虎鄴城東門石橋柱也按柱勒趙建武中造以其石作工妙徙之于此余為尚書祠部與宜都王穆羆同拜北郊親所經見柱側悉鏤雲矩上作蟠螭甚有形勢信為工巧去子丹碑則遠矣

其水又南逕平城縣故城東

司州代尹治皇都洛陽以為恒州水左有大道壇廟始光二年少室道士寇謙之所議建也兼諸嶽廟碑亦多所署立其廟階三成四周欄檻上階之上以木為員基令干今按戴作互相枝梧以板砌其上

欄陛承阿上員制如明堂而專室四戶室內有神

坐坐右列玉磬皇輿親降受錄靈壇號曰天師宣

揚道式暫重當時疑壇之東北舊有靜輪宮魏

神廡四年造抑亦柏梁之流也臺榭高廣超出雲

間欲令上延霄客下絕羣浮太平真君十一年又

毀之物不停固白登亦繼禱矣水右有三層浮圖

真容鷲架悉結石也裝制麗質亦盡美善也東郭

外太和中闢人宕昌公鉗耳處時沈炳異曰鉗耳

唐人有鉗耳知命立祇洹舍于東今按戴椽

瓦梁棟臺壁櫺陛尊容聖像及牀坐軒帳悉青石

也圖制可觀所恨惟列壁合石疏而不密庭中有

祇洹碑碑題大篆非佳耳然京邑帝里佛法豐盛

神圖妙塔桀跖今案趙作峙相望法輪東轉茲為上矣

其水自北苑南出歷京城內

河千兩湄太和十年累石結岸夾塘之上雜樹交

蔭郭南結兩石橋橫水為梁

又南逕藉田及藥圃西明堂東

明堂上圓下方四周十二戶今按戴作堂九室而不為

重隅也室外柱內綺井之下施機輪飾縹碧仰象

天狀畫北道之宿焉蓋天也梓材按朱謀埠本作畫北通之宿鳥趙氏

刊誤引全氏云通當作道鳥當作焉。今按戴趙俱依此改。每月隨斗所建之

辰轉應天道此之異古也加靈臺于其上下則引

水為辟雍水側結石為塘事準古制是太和中之

所經建也

如渾水又南與武周今按戴作州下同川水會水出縣西南

山下二源翼導俱發一山東北流合成一川北流逕

武周縣故城西

王莽之桓周也

又東北右合黃水水西出黃阜下東北流聖山之水

注焉水出西山東流注于黃水黃水又東注武周川

又東歷故亭北右合火山山西谿水水導源火山西北
 流山上有火井南北六七十步廣減尺許源深不見
 底炎勢上升常若微雷發響以草爨之則煙騰火發
 東方朔神異傳云南方有火山焉長四十里廣四
 五里其中皆生不燼之木晝夜火然暴雨猛風不
 滅火中有鼠重百斤毛長二尺餘細如絲色白時
 時出外以水逐而沃之則死取其毛績以為布謂
 之火浣布是山亦其類也但卉物則不能然其山
 以火從地中出故亦名熒臺矣

火井東五六尺又東有湯井廣輪與火井相狀熱勢

又同以草內之則不然皆沾濡露結故俗以湯井為

目

井東有火井祠以時祀祭焉井北百餘步有東西
 谷廣十許步南崖下有風穴厥大容人其深不測
 而穴中肅肅常有微風雖三伏盛暑猶須襲裘寒
 吹凌人不可暫停而其山出雛烏形類雅烏純黑
 而姣好音與之同績采紺發背若丹砂性馴良而
 易附卵童幼子捕而執之曰今按戴無此字赤背烏亦曰
 阿雛烏按小爾雅純黑反哺謂之慈烏小而腹下
 白不反哺者謂之雅烏白頸今按戴作脰下同而羣飛者

謂之燕鳥大而白頸者謂之蒼鳥爾雅曰鷦斯卑

居也孫炎曰卑居楚鳥隄為俞入以為壁居按本注今

失去說文謂之雅雅楚鳥莊子曰雅賈矣馬融亦

曰賈鳥者今按戴無此字也又按瑞應圖有三足鳥赤鳥

白鳥之名而無記于此鳥故書其異耳自恆山以

北並有此矣

其水又東北流注武周川水武周川水又東南流

水側有石祗洹舍并諸窟室比邱尼所居也

其水又東轉逕靈巖南

鑿石開山因崖今按戴作巖

結構真容巨壯世法所稀

今按戴作希山堂水殿煙寺相望林淵錦鏡綴目新眺

川水又東南流出山魏土地記曰平城西三十里武

周今按戴作周州下同塞口者也自山口枝渠東出入苑漑諸

園池

苑有洛陽殿殿北有宮館

一水自枝渠南流東南出火山水注之水發火山東

谿東北流出山

山有石炭火之熱同樵炭也

又東注武周川逕平城縣東南今按戴作南東流注如渾水

又南流逕班氏縣故城東

玉莽之班副也關駟十三州志曰班氏縣在郡西南百里北俗謂之去留城也

如渾水又東南流注于灤水灤水又東北今按戴無此字逕

平邑縣故城南

趙獻侯十三年城平邑地理志曰屬代王莽所謂

平胡也十三州志曰城在高柳南百八十里北俗

謂之醜寅城

灤水又東逕沙陵南

魏金田之地也事同曹武鄴中穴今按戴趙作定矣按魏

引魏畧曰河南北始開以王修為司金中郎將陳黃白異議續漢百官志注曰鹽鐵官本屬司農中

興皆屬郡縣至曹公置司金中郎將利權悉歸于上是殆所謂鄴中穴者而其詳無考○今按戴趙並引此事作注

灤水又東逕猗氏縣故城北

王莽更名之曰猗聚也十三州志曰縣在高柳南

百三十里俗謂之苦力干城矣

灤水又東逕道人縣故城南

地理志曰王莽之道仁也地理風俗記曰初築此

城有仙人遊其地故因以為城名矣

今城北有淵潭而不流今按趙作注故俗謂之平湖也

十三州志曰道人城在高柳東北八十里所未詳

也

灤水又東逕陽原縣故城南

地理志代郡之屬縣也北俗謂之北今按戴邢州作比

城

灤水又東流今按戴安陽水注之水出縣東北澤今按

戴作潭中北俗謂之大拔迴水水今按戴自澤東南無此字

流注于灤水又東逕東安陽縣故城北

趙惠文王三年主父今按趙無封長子章為代安

陽君此即章封邑王莽之竟安也地理風俗記曰

五原有西安陽故此加東也

灤水又今按趙東逕昌平縣温水注之水出南墳下

三源俱導合而南流東北注今按趙灤水灤水又東

逕昌平縣故城北

王莽之長昌也昔牽招為魏鮮卑校尉屯此

灤水又東北逕桑乾縣故城西又屈逕其城北

王莽更名之曰安德也魏土地記曰代城北九十

里有桑乾城城西渡桑乾水去城十里有温湯療

疾有驗經言出南非也蓋誤證矣魏任城王彰以

建安二十三年伐烏丸入涿郡逐北遂至桑乾止

今按戴于此也

灤水又東流祁夷水注之水出平舒縣東逕平舒縣之故城南澤中

史記趙孝成王十九年以汾門予燕易平舒徐廣曰平舒在代王莽更名之曰平葆後漢世祖建武七年封揚武將軍馬成爲侯國

其水控引衆泉以成一川魏土地記曰代城西九十里平舒城西南五里代水所出東北流言代水非也祁夷水又東北逕蘭亭南又東北逕石門關北

舊道出中山故關也

又東北流水側有故池按魏土地記曰代城西南三

十里有代王魚池

池西北有代王臺東去代城四十里

祁夷水又東北得飛狐谷

卽廣野君所謂杜飛狐之口也蘇林據酈公之說言在上黨卽實非也如淳言在代是矣晉建興中劉琨自代出飛狐口奔于安次卽于此道也

魏土地記曰代城南四十里有飛狐關關水西北流逕南舍亭西又逕句瑯亭西西北注祁夷水祁夷水又東北流逕代城西

盧植言初築此城板榦一夜自移于此故代西南

五十里大澤中營城自護結葦為九門于是就以

為治城圓匝而不方周四十七里開九門更名其

故城曰東城此處舊有衍文今芟○今按朱謀埠

本有趙滅代漢封孝文為代王十字

戴趙仍從朱梅福上事曰代谷者恆山在其南北

塞在其北谷中之地上谷在東代郡在西是其地

也王莽更之曰厭狄亭

魏土地記曰城內有二泉一泉今按趙作流出城西

門一泉流出城北門二泉皆北注代水祁夷水又東

北熱水注之水出綾羅澤外城四十里

澤際有熱水亭

其水東北流注祁夷水又東北谷水注之水出昌平

縣故城南又東北入祁夷水祁夷水右會逆水水導

源將城東西北流逕將城北

在代城東北一十五里疑即東代矣而尚傳將城

之名此處舊有重文今芟○今按朱謀埠本有盧

植曰此城方就而板榦自移十二字戴趙仍

從朱存此應劭曰城徙西南去故代五十里故名

代曰東城或傳書倒錯情用疑焉而無以辨之

逆水又西注于祁夷之水逆之為名以西流故也祁

夷水東北逕青牛淵水自淵東注之

耆彦云有潛龍出于茲浦形類青牛焉故淵潭受

名矣潭深不測而水周多蓮藕生焉

祁夷水又北逕一故城西

西去代城五十里又疑是代之東城而非所詳也

又逕昌平郡東

魏太和中置西南去故城六十里

又北連水入焉水出碓脊縣東西北流逕碓脊縣故

城南又西逕廣昌城南

魏土地記曰代南二百里廣昌城南通大嶺卽

此今按戴作實非也十三州記曰平舒城東九十里

廣平城疑是城也尋其名狀忖理爲非按太平寰宇記蔚州

飛狐縣引注曰廣昌縣有古板殿城今攷注文但曰廣昌城而不曰縣疑有誤文

又西逕王莽城南又西到刺今案戴作刺下同山水注之水

出到刺山西

山甚層峻未有升其巔者魏土地記曰代城東五

十里有到刺山山上有佳大黃也

其水北流逕一故亭東

城北有石人故世謂之石人城

西北注連水又北逕當城縣故城西

高祖十二年周勃定代斬陳豨于當城卽此處也

應劭曰當桓都山作城故曰當城也

又逕故代東而西北流注祁夷水

祁夷水西有隨山山上有神廟謂之女郎祠方俗

所祠也鄭康成注職方誤以祁夷為嘔夷師古于漢志亦因之非善長何以正其謬。趙本

引全氏曰按鄭康成注職方誤以嘔夷為祁夷而顏師古從之不知班志已自了然蓋嘔夷漚水也

故于漚水之下大書曰并州川則其為嘔夷水無疑矣

祁夷水又北逕桑乾故城東而北流注于灤水地理

志曰祁夷水出平舒縣北至桑乾入灤是也入灤今本漢書

作入沽蓋誤字也當作入灤水又東北逕石山水口治。趙本引全氏校語

水出南山北流逕空侯城東

魏土地記曰代城東北九十里有空侯城者也

其水又東北流注灤水灤水又東逕漢縣故城北按

志續志魏志皆作潘師古注漢志且從而實其音是其為潘無疑矣獨胡三省曰據水經則潘當作瀆予

攷今水經灤水篇皆作潘無從審正而胡氏所言必非無據及讀河水篇注引皇甫士安曰舜都蒲坂或

言在平陽及瀆乃恍然曰得之矣六朝人言舜都廣寧故拓跋祭舜于廣寧即瀆也是皇甫士安時尙未

誤以漢志之瀆為潘而師古時則已誤矣非精覈如胡氏安能發此隱伏之譌于千年之後而惜其說之

未暢讀水經者多未及此也故特東合協陽關水水申之。今按戴趙本漢仍作潘

出協谿

魏土地記曰下洛城西南九十里有協陽關關道

西通代郡

其水東北流歷笄頭山

關駟曰笄頭山在漢城南即是山也

又北逕漢縣故城左會漢泉故瀆瀆舊上承漢泉于

漢城中

或云舜所都也魏土地記曰下洛城西南四十里

有漢城城西北三里有歷山山上有虞舜廟十三

州記曰廣平城東北一今按戴無此字百一十里有漢縣

地理志曰王莽更名樹武

其泉從廣十數步東出城注協陽關水雨盛則通注

陽旱則不流惟泝泉而已關水又東北流注于灤水

又東逕雍洛城南魏土地記曰下洛城西南二十里

有雍洛城桑乾水在城南東流者也灤水又東逕下
洛縣故城南

王莽之下忠也魏燕州廣甯縣廣甯郡治魏土地

記曰去平城五十里城南二百步有堯廟

灤水又東逕高邑亭北又東逕三臺北灤水又東逕

無鄉城北

地理風俗記曰燕語呼亡今按戴作毛為無今改宜鄉

也

灤水又東溫泉水注之水上承溫泉于橋山下魏土

地記曰下洛城東南四十里有橋山山下有溫泉泉

上有祭堂雕簷華宇被于浦上石池吐泉湯湯其下

炎涼代序是水灼焉無改能治百疾是使赴者若流

池水北流入于灤水灤水又東左得于延水口水出

塞外柔玄鎮西長川城南小山胡三省曰代王珪自

水出代谷長川即牛川也山海經曰梁渠之山無草木多金玉脩

水出焉東南流逕且如縣故城南

應劭曰當城西北四十里有且如城故縣也代稱

不拘名號變改校其城郭相去遠矣地理志曰中

部都尉治

于延水出縣北塞外即脩水也脩水又東南逕馬城

縣故城北

地理志曰東部都尉治十三州志曰馬城在高柳

東二百四十里

俗謂是水為河今按趙作頭阿下同

河頭出戎方土俗變名耳

又東逕零丁城南右合延鄉水水出縣西山東逕延

陵縣故城北

地理風俗記曰當城西北有延陵鄉故縣也

俗今按戴趙俱有指字謂之琦城川今按戴無此字又東逕羅亭又東

逕馬城南今按趙作北又東注脩水又東南于大甯郡北

右注雁門水山海經曰雁門之水出于雁門之山雁

出其間今按戴趙俱作門在高柳北

高柳在代中其山重巒疊巘霞舉雲高連山隱隱

東出遼塞

其水東南流逕高柳縣故城北

舊代郡治閻若璩曰是東漢代郡治趙滅代今按此三字戴趙俱無秦始皇

皇二十三年虜趙王遷趙公子嘉據代稱王秦滅

嘉以為郡漢封孝文為代王此處舊有脫文今補戴趙均有以國為郡四字自趙公子嘉至此二十一字戴趙未補王莽之所謂厭

狄也建武十九年世祖封代相堪為侯國昔牽招

斬韓忠于此處城在平城東南六七十里于代為

西北也周嬰曰韓忠非招所斬又招傳稱詣柳城高柳屬代柳城屬遼西善長又誤

雁門水又東南流屈逕一故城

背山面澤北俗謂之叱嶮城

雁門水又東南流屈而東北積而為潭其陂斜長而

不方東北可二十餘里廣一今按戴無此字十五里蒹葭叢

生焉敦水注之其水導源西北少咸山之今按此二字趙乙

南麓東流逕參合縣故城南

地理風俗記曰道人城北五十里有參合鄉故縣也

敦水又東澨水注之水出東阜下西北流逕故城北

俗謂之和堆城

又北合敦水亂流東北注雁門水故山海經曰少咸之山敦水出焉東流注于雁門之水郭景純曰水出雁門山謂斯水也雁門水又東北入陽門山謂之陽門水與神泉水合水出葦壁北水有靈焉及其密雲不雨陽旱愆期多禱請今案此二字趙乙焉水有二流世謂之比連泉一水東北逕一故城東

世謂之石虎城

而東北流注陽門水又東逕三會亭北又東逕西伺

道城北又東託台谷水注之水上承神泉于葦壁北

東逕陽門山南託台谷謂之託台水汲引泉谿渾濤

東注行者間一今按戴無此字十餘渡東逕三會城南又東

逕託台亭北又東北逕馬頭亭北東北注雁門水雁

門水又東逕大甯郡北

魏太和中置

有脩水注之即山海經所謂脩水東流注于雁門水也地理志有于延水而無雁門脩水之名山海經有雁門之目而無說于延河自下亦通謂之于延水矣水側有桑林故時人亦謂是水為藜桑河也斯乃北

土寡桑至此見之因以名焉于延水又東逕岡今按趙作

同 下城南

按史記蔡澤燕人也謝病歸相秦號岡成君澤受綱成

之封于秦其時燕未亡不得以燕地封澤續志系綱成于東郡而劉昭疑之可見其地之無攷矣樂

史曰許州許昌縣疑即澤所邑也世名武岡城有剛成澤所封

于延水又東左與寧川水合水出西北東南流逕小

甯縣故城西南東南流注于延水今按戴重于延水三字 又東逕

小甯縣故城南

東地理志寧縣也西部都尉治王莽之博康也魏土

地記曰大甯城西二十里有小甯城昔邑人班邱

仲居水側賣藥于甯百餘年人以爲壽後地動宅

壤仲與里中數十家皆死民人取仲尸棄于延水

中收其藥賣之仲被裘從而詰之此人失怖叩頭

求哀仲曰不恨汝故使人知我耳去矣後爲夫餘

王驛使來甯此方人謂之謫仙也

于延水又東黑城川水注之水有三源出黑土城西

北奇源合注總爲一川東南逕黑土城西又東南流

逕大甯縣西而南入于延河于今按兩于字戴趙均無 延河又

東逕大甯縣故城南

地理志云廣寧也王莽曰廣康矣魏土地記曰下

洛今按戴趙西北百三十里有大甯城

于延水又東南逕茹縣故城北

王莽之穀武也世謂之如口城魏土地記曰城在

鳴雞山西十里南通大道西達寧川

于延水又東南逕鳴雞山西魏土地記曰下洛城東

北三十里有延河東流北有鳴雞山

史記曰趙襄子殺代王于夏屋而并其土襄子迎

其姊于代其姊代之夫人也至此曰代已亡矣吾

將何歸乎遂磨笄于山而自殺代人憐之為立祠

焉因名其山為磨笄山每夜有野雞羣鳴于祠屋

上故亦謂之為鳴雞山魏土地記云代城東南二

十五里有馬頭山其側有鍾乳穴趙襄子既害代

王迎姊姊代夫人夫人曰以弟慢夫非仁也以夫

怨弟非義也磨笄自刺而死使者自殺民憐之為

立神屋于山側因名之為磨笄之山未詳孰是

于延水又南逕且居縣故城南

王莽之今按戴有久居也

其水東南流注于灤水地理志曰于延水東至廣寧

入沽非矣梓材按沽朱謀璋本作治趙氏刊誤引全氏云灤水即治水既云注灤而又以入治為非乎攷漢志是沽字

○今按戴趙俱依改

又東過涿鹿縣北

涿水出涿鹿山世謂之張公泉又今按戴無此字東北流逕

涿鹿縣故城南

王莽所謂褫今按戴作拂陸也黃帝與蚩尤戰于涿鹿

之野留其民于涿鹿之阿卽于是處今按戴無此字

其水又東北與阪泉合其水導源縣之東泉

魏土地記曰下洛城東南六十里有涿鹿城城東

一里有阪泉泉上有黃帝祠晉太康地理記曰阪

泉亦地名也

泉水東北流與蚩尤泉會水出蚩尤城

城無南今按戴作東面魏土地記稱涿鹿城東南六里

有蚩尤城

泉水淵而不流霖雨併則流注阪泉亂流東北入涿

水涿水又東逕平原郡南

魏徙平原之民置此故立僑郡以統流雜

涿水又東北逕祚亭北而東北入灤水亦云涿水枝

分入匈奴者謂之涿邪水地理潛顯難以究昭非所

知也灤水又東南左會清夷水亦謂之滄河也水出

長亭南西逕北城村故城北又西北平鄉川水注之

水出平鄉亭西西北流注清夷水清夷水又西北逕

陰莫亭

在居庸縣南十里

清夷水又西會牧牛山水魏土地記曰沮陽城東八
十里有牧牛山下有九十九泉即滄河之上源也

山在縣東北三十里山上有道武皇帝廟

耆舊云山下亦有百泉競發有一神牛駁身自山而
降下飲泉竭故山得其名今山下導九十九泉積以
成川西南流國水與浮圖溝水注之國一本作谷○
今按戴趙並作
谷
水出夷輿縣故城西南

王莽以為朔調亭也

其水俱西南流注于滄水又西南右合地裂溝

古老云晉世地裂分此界間成溝

有小水俗謂之分界水南流入滄河今按戴重
滄河二字又西

逕居庸縣故城南

魏上谷郡治昔劉虞攻公孫瓚不克北保此城為

瓚所擒

有粟水入焉水出縣下城西枕水又屈逕其縣南南
注滄河又西右與陽溝水合水出縣東北西南流逕
居庸縣故城北西逕大翻小翻山南

高巒截雲層陵斷霧雙阜其秀競舉羣峯之上郡

人王次仲少有異志年及弱冠變蒼頡舊文爲今
隸書秦始皇時官務煩多以次仲所易文簡便于
事要奇而召之三徵而輒不至次仲履眞懷道窮
數術之美始皇怒其不恭令檻車送之次仲首發
于道化爲大鳥出在車外翻飛而去落二翻于斯
山故其峯巒有大翻小翻之名矣魏土地記曰沮
陽城東北六十里有大翻小翻山山上神名大翻
神山屋東有溫湯水口其山在縣西北二十里峯
舉四十里上廟則次仲廟也

右出溫湯療治萬病泉所發之麓俗謂之土亭山此

水炎熱倍甚諸湯下足便爛人體療疾者要須別引

消息用之耳不得言

今按戴趙有大翻山東四字

其水東南流左

會陽溝水亂流南注滄河滄河又左得清夷水口魏
土地記曰牧牛泉西流與清夷水合者也自下二水
互受通稱矣清夷水又西靈亭水注之水出馬蘭西
澤中衆泉瀉溜歸于澤澤水所鍾以成溝瀆瀆水又
左與馬蘭谿水會水導源馬蘭城城北負山勢因阿
成谿民居所給惟仗此水水南流出城東南入澤水
澤水又南逕靈亭北又屈逕靈亭東

次仲落鳥翻于此故是亭有靈亭之稱矣

其水又南流注于清夷水清夷水又西與泉溝水會

今按趙本與作得無會字水導源川南平地北注清夷水清夷水

又西南得桓公泉

蓋齊桓公霸世北伐山戎過孤竹西征東馬縣車

上卑耳之西極故水受斯名也

水源出沮陽縣東而西北流入清夷水清夷水又西

逕沮陽縣故城北

秦始皇今按戴無此二字上谷郡治此王莽改郡曰朔調

縣曰沮陰闕駟曰涿鹿東北至上谷城六十里

魏土地記曰城北有清夷水西流也其水又屈逕其

城西南流注于灤水灤水南至馬陘山謂之落馬洪
又東南出山

灤水又南出山瀑布飛梁縣河注壑淵湍十許丈謂

之落馬洪抑亦孟門之流也灤水自南出山謂之清

泉河俗亦謂之曰干今按戴作干水非也灤水又東南逕

良鄉縣之北界歷梁山南高粱水出焉

過廣陽薊縣北

灤水又東逕廣陽縣故城北

謝承後漢書曰世祖與銚期出薊至廣陽欲南行

卽此城也謂之小廣陽

灤水又東北逕薊縣故城南魏土地記曰薊城南七里
有清泉河而不逕其北蓋經誤證矣

昔周武王封堯後于薊今城內西北隅有薊邱因

邱以名邑也猶魯之曲阜齊之營邱矣武王封召

公之故國也薊與燕各是一國其後燕并薊耳善長誤。趙本引全氏云此承班志之

誤秦始皇二十三年滅燕以為廣陽郡顧炎武曰始皇三十

六郡無廣陽昭帝漢高帝以封盧綰為燕王更曰元鳳元年始立

今按戴燕國王莽改曰廣公縣曰代成沈炳巽曰莽改郡曰

改廣有伐戎其作代戎者刊誤也城有萬載宮光

明殿梓材按此文舊本在更曰燕國下趙氏朱箋刊誤云八字當移在縣曰代成之下全氏校

正。今按戴趙並依全移東掖門下舊慕容雋立銅馬像處昔

慕容廆有駿馬赭白有奇相逸力至雋光壽元年

齒四十九矣而駿逸不虧雋奇之比鮑氏驄命鑄

銅以圖其像親為銘讚鑄頌其傍像成而馬死矣

大城東門內道左有魏征南將軍建城今按戴鄉

景侯劉靖碑晉司隸校尉王密表靖功加于民宜

在祀典以元嘉四年九月二十日刊石建碑揚于

後葉矣何焯曰征南當作征北元嘉當作元康其見鮑邱水篇卻不誤。今按戴趙俱依改

灤水又東與洗馬溝水合水上承薊水西注大湖湖

有二源水俱出縣西北平地道源流結西湖湖東西

二里南北三里蓋燕之舊池也淶水澄澹川亭望遠亦為遊矚之勝所也湖水東流為洗馬溝側城南門

東注

昔鈔期奮戟處也何焯曰奮舊本作啟誤

其水又東入灤水灤水又東逕燕王陵南

陵有伏道西北出薊城中景明中造浮圖建刹窮泉掘得此道王府所禁莫有尋者通城西北大陵

而是二墳今按趙無此字基趾盤今按戴趙作磐固猶自高壯竟

不知何王陵今按戴有也字

灤水又東南高粱之水注焉水出薊城西北平地泉

流東注逕燕王陵北又東逕薊城北又東南流魏土

地記曰薊東一今按戴無此字十里有高粱之水者也其水

又東南入灤水今按趙有也字

又東至漁陽雍奴縣西入笥溝

漢光武建武二年封潁川太守寇恂為雍奴侯魏

遣張郃樂進圍雍奴即此城矣

笥溝沾水之別名也趙氏朱箋刊誤曰笥溝下落沾字全氏校增○今按戴作潞趙

依此增魏土地記曰清泉河上承桑乾河東流與潞河

合灤水東入漁陽所在枝分故俗諺云高粱無上源

清泉無下尾蓋以高粱微涓淺薄裁足津通憑藉涓

流方成川明清泉至潞所在枝分更為微津散漫難尋故也

灑餘水
按後漢王濬傳為上谷太守請漕溫水章懷太子注引水經作溫餘水而漢志軍都縣下亦作溫餘水遼史順州有溫榆河變餘為榆金人因改懷柔縣為溫陽朱彝尊遂反以水經灑餘水為譌其可嗤也顧炎武曰灑餘作溫餘以字相似而譌顧祖禹之言同先公日以溼陽為握揚以蒲城為滿城不祇一灑餘但竹垞不應為此言。今按戴作濕餘水而按語亦以溫濕為灑之訛與全說同

灑餘水出上谷居庸關東

關在沮陽城東南六十里居庸界故關名矣更始使者入上谷耿況迎之于居庸關即是關也

其水導源關山南流歷故關下

谿之東岸有石室三層其戶牖扇扉悉石也蓋古關之候臺矣南則絕谷累石為關址今按戴作垣崇墉峻壁非輕功可舉山岫層深側道褊狹林郭邃險路才容軌曉禽暮獸寒鳴相和羈官遊子聆之者莫不傷思矣

其水歷山南逕軍都縣界又謂之軍都關

續漢書曰尚書盧植隱上谷軍都山是今按戴無此字其水南流出關謂之下口水流潛伏十許里也

東流過軍都縣南今按句首趙有又字又東流過薊縣北

灤餘水故瀆東逕軍都縣故城南又東重源潛發積而爲潭謂之灤餘潭又東流易荆水注之其水導源西北千蓼泉亦曰丁蓼水東南流逕郁山西謂之易荆水

公孫瓚之敗于鮑邱也走保易荆疑阻此水也趙

清曰瓚所保易京今保定府雄縣地若軍都則今之昌平恐不可混而一之

易荆水又東左合虎眼泉水出平川東南流入易荆水又東南與孤山之水合水發川左導源孤山東南流入易荆水謂之塔界水又東逕薊城又東逕昌平縣故城南又謂之昌平水魏土地記曰薊城東北一

今按戴無此字百四十里有昌平城城西有昌平河又東北

注灤餘水灤餘水又東南流左合芹城水水出北山南逕芹城又東南流注灤餘水灤餘水又東南流逕安樂故城西

更始使謁者韓鴻北狗承制拜吳漢爲安樂令卽此城也

又北屈東南至狐奴縣西入于沽河

昔彭寵使狐奴令王梁南助光武起兵自是縣矣灤餘水于縣西南東入沽河故地理志曰灤餘水自軍都縣東至潞南入沽是也

